



NAFARROAKO PARLAMENTUKO

ALDIZKARI OFIZIALA

VII. legegintzaldia

Iruña, 2010eko urriaren 1a

96. ZK.

A U R K I B I D E A

B SAILA:

Foru lege proposamenak:

- Foru Lege proposamena, Nafarroako Babes Zibilari eta Larrialdien Kudeaketari buruzko uztailaren 1eko 8/2005 Foru Legea aldatzekoa. Ana Figueras Castellano andreak aurkeztu du (3. or.).
- Foru Lege proposamena, Nekazaritza Azpiegiturei buruzko martxoaren 7ko 1/2002 Foru Legea aldatzekoa. Socialistas del Parlamento de Navarra parlamentu-taldeak aurkeztu du (4. or.).
- Foru Lege proposamena, Jagoletza Partekatuari buruzkoa. Zuzenketak aurkezteko epea (5. or.).
- Foru Lege proposamena, hedabide sozialetan baztertzailak diren edo pertsonen duintasuna urratzen duten publizitate-edukiak argitaratzearen aurkako neurriak sustatzeko. Zuzenketak aurkezteko epea (6. or.).

E SAILA:

Jabeldurak, mozioak eta adierazpen politikoak:

- Mozioa. Horren bidez, Nafarroako Gobernua premiatzen da Lurralde Koordinazioko Europako Taldeak –Nafarroako, Euskal Autonomia Erkidegoko, Aragoiko eta Akitaniako udalen, taldeen, elkarten edo zuzenbide publikoko beste edozein erakunderen artekoak– sortzea bultzatzea dezan eta horietan parte har dezan. Nafarroa Bai parlamentu-taldeak aurkeztu du (7. or.).
- Mozioa. Horren bidez, Nafarroako Gobernua premiatzen da abenduaren 30a baino lehen aurkeztu dezan Nafarroako Herritarren Eskubideei eta Betebeharrei buruzko Foru Lege proiektua. Socialistas del Parlamento de Navarra parlamentu-taldeak aurkeztu du (8. or.).
- Mozioa. Horren bidez, Nafarroako Gobernua premiatzen da zor publikoa balira bezala zenbatu ditzan itzaleko bidesariaren bidez finantzatutako azpiegituretatik heldu diren obligazioak. Nafarroa Bai parlamentu-taldeak aurkeztu du (9. or.).

F SAILA:

Galderak:

- Galdera, Hizkuntza Eskolan *on line* matrikulazioak eragindako arazoei eta kaosari buruzkoa, María Victoria Arraiza Zorzano andreak eginga (11. or.).

- Galdera, jakiteko ea Vianako Printzea Erakundea-Kultura eta Turismoko kontseilariak noiz inauguratuko dituen gazte sortzaileen, artisten, musikarien edo aktoreen jardunaldiak, hitzaldiak, lan bilerak eta abar, Patxi Telletxea Ezkurra jaunak egina (12. or.).
- Galdera, sexu-esplotaziorako gizakien salerosketako biktimak identifikatze aldera Foruzaingoari emandako jarraibideei buruzkoa, Amanda Acedo Suberbiola andreak egina (12. or.).
- Galdera, Nazio Batuen Erakundearen GAP (Global Action Plan) Programari buruzkoa, Aitor Etxarri Pellejero jaunak egina (13. or.).
- Galdera, Bideko Autobiaren obra, itzaleko bidesariaren bidez finantzatu baita, eman ote den jakiteko, Maiorga Ramírez Erro jaunak egina (14. or.).
- Galdera, CCOOri eta UGTri zuzenean nahiz “VITRA Cooperativa de Viviendas” eta “Plazaola Gestión Integral, S.L.” enpresen bidez emandako etxebizitza babestuei buruzkoa, Patxi Zabaleta Zabaleta jaunak egina (14. or.).
- Galdera, 117/2010 Foru Aginduaren bidez hezkuntza itunak aldatu eta/edo luzatzean Hezkuntzako kontseilariak Ikuskapen eta Zerbitzuen Zuzendaritza Nagusiaren eskumenak bere gain hartzeari buruzkoa, Ana Figueras Castellano andreak egina (15. or.).
- Galdera, Corellan sartzeko biribilgunean paratutako eskulturen gastuari buruzkoa, José María Vázquez Royo jaunak egina (16. or.).
- Galdera, Riegos de Navarra aldi baterako enpresen batasunak NA-6120 errepideko obrak direla-eta erantzun ez izanari buruzkoa, José María Vázquez Royo jaunak egina (16. or.).
- Galdera, baztertzailak diren edo pertsonen duintasuna urratzen duten publizitate-edukiak hedabide sozialetan argitaratzearen aurkako neurriak sustatzeari buruzkoa, José Javier Monzón Romé jaunak egina (17. or.).

G SAILA:**Txostenak, deialdiak eta Parlamentuko informazioa:**

- Deialdia, txanda irekian eta oposizio-lehiaketa bidez Nafarroako Parlamentuaren zerbitzuko legelari lanpostu bat betetzekoa (19. or.).

B saila:
FORU LEGE PROPOSAMENAK

Foru Lege proposamena, Nafarroako Babes Zibilari eta Larrialdien Kudeaketari buruzko uztailaren 1eko 8/2005 Foru Legea aldatzekoa.

Nafarroako Parlamentuko Mahaiak, 2010eko irailaren 27an egindako bilkuran, erabaki hau hartu zuen, besteak beste:

Nafarroako Foru Eraentza Berrezarri eta Hobe-tzeari buruzko Lege Organikoaren 19.1.b) artikulua aitortzen dion legegintzarako ekimena erabiliz, Ana Figueras Castellano andreak Nafarroako Babes Zibilari eta Larrialdien Kudeaketari buruzko uztailaren 1eko 8/2005 Foru Legea aldatzeko Foru Lege proposamena aurkeztu du.

Hori horrela, Legebiltzarreko Erregelamenduko 147. artikuluan ezarritakoarekin bat, Eledunen Batzarrari entzun ondoren, hona

ERABAKIA:

1. Nafarroako Babes Zibilari eta Larrialdien Kudeaketari buruzko uztailaren 1eko 8/2005 Foru Legea aldatzeko Foru Lege proposamena Nafarroako Parlamentuko Aldizkari Ofizialean argitara dadin agintzea.

2. Foru lege proposamen hori Nafarroako Gobernura igortzea, Erregelamenduko 147. artikuluan ezarritako ondorioetarako.

Iruñean, 2010eko irailaren 27an

Lehendakaria: Elena Torres Miranda

Foru Lege proposamena, Nafarroako Babes Zibilari eta Larrialdien Kudeaketari buruzko uztailaren 1eko 8/2005 Foru Legea aldatzekoa.

ZIOEN AZALPENA

Nafarroako Babes Zibilari eta Larrialdien Kudeaketari buruzko uztailaren 1eko 8/2005 Foru Legearen IV. tituluak Nafarroako Foru Komunitateko administrazio publikoek suteen prebentzio eta itzaltzerako eta salbamendurako dituzten zerbitzu publikoak arautzen ditu; izan ere, zerbitzu horiek babes zibilaren eremuan dauden zerbitzu publiko-

etan garrantzitsuenetakoak dira eta, horrenbestez, larrialdiei aurre egiteko beharrezko bermea ere badira, denbora guztian eskura daudelako eta lortu duten espezializazioagatik.

Aipatu arauaren 53. artikuluan arautzen dira suteen prebentzio eta itzaltzerako eta salbamendurako dituzten zerbitzuetako lanpostuak eta eginkizunak, eta, ohikoa denez, bost lanpostuz osatutako antolamendu hierarkikoaren bidez egituratzen dira (ofiziala, ofizialordea, sarjentua, kaboa eta suhiltzailea). Jatorrizko testutik aginte-eginkizunen definizio argia ondorioztatzen zen; halatan, lanpostu horietako bakoitzak zerbitzua osatzen duten atalen maila jakin bateko zuzendaritza-eginkizunak bete litzake, atal horiek ere zerbitzuaren egitura hierarkikoaren arabera antolatutik baitaude.

Halere, 2010erako Nafarroako Aurrekontu Orokorrei buruzko abenduaren 23ko 16/2009 Foru Legeko hogeita laugarren xedapen gehigarriak manu hori aldatu du, halako moduan non ofizialaren lanpostuari eta ofizialordearenari aginte-eginkizun berberak esleitzen zaizkien; izan ere, ofizialari, jatorrizko testuan bezala, "zerbitzuaren unitate tekniko eta operatibo gorenaren zuzendaritza eta koordinazio eginkizunak" eta ofizialordeari "zerbitzuaren unitate tekniko eta operatibo ertainen zuzendaritza eta koordinazio eginkizunak" esleitu beharrean, biei esleitzen zaizkie "zerbitzuaren unitate tekniko eta operatiboaren zuzendaritza eta koordinazio eginkizunak." Kontuan izanik bi lanpostu horiei kualifikazio profesional ezberdina dagokiela (A maila eta B maila, hurrenez hurren) eta, foru legeak berak lanpostuak betetze aldera taxutzen duen sistemaren arabera, ofizialordearen lanpostutik abiatuta ofizial izatera hel daitekeela bareneko igoera-txandaren bidez, zuzendaritza-eginkizun berberak esleitzeak desitxuratu egiten ditu foru legeko gainontzeko arauak ezartzen duten egitura hierarkikoa eta lanbide-karrera, eta disfuntzio handiak eragin ditzake, zer-

bitzuko ataletako zuzendaritza-lanpostuak berdin-berdin bete ditzaketelako batzuek eta besteek.

Hortaz, bidezkoa da 53. artikuluko horren testua leheneratzea, foru lege horrek ezarritako antolamendu araubidearen, lanpostuen eta lanbide-karreraren behar bezalako funtzionamendua ziurtatze aldera.

Artikulu bakarra.

Nafarroako Babes Zibilari eta Larrialdien Kudeaketari buruzko uztailaren 1eko 8/2005 Foru Legearen 53.1 artikuluko a) eta b) letrak honela geldituko dira:

“a) Suhiltzaile-ofiziala, A mailakoa. Zerbitzuaren unitate tekniko eta operatibo gorenaren zuzendaritza eta koordinazio eginkizunak dagozkie, bai eta goi mailako eginkizun teknikoak ere preben-

tzioaren, ikuskaritzaren, su-itzaltzearen eta salbamenduaren arloan.

b) Suhiltzaile-ofizialordea, B mailakoa. Zerbitzuaren unitate tekniko eta operatibo ertainen zuzendaritza eta koordinazio eginkizunak dagozkie, bai eta erdi mailako eginkizun teknikoak ere prebentzioaren, ikuskaritzaren, su-itzaltzearen eta salbamenduaren arloan.”

Xedapen indargabetzailea.

Indarrrik gabe uzten dira foru lege honetan ezarritakoari aurka egiten dioten maila bereko edo apalagoko xedapen guztiak.

Azken xedapena.

Foru lege honek Nafarroako Aldizkari Ofizialean argitara eman eta biharamunean hartuko du indarra.

Foru Lege proposamena, Nekazaritza Azpiegituri buruzko martxoaren 7ko 1/2002 Foru Legea aldatzekoa.

Nafarroako Parlamentuko Mahaiak, 2010eko irailaren 27an egindako bilkuran, erabaki hau hartu zuen, besteak beste:

Nafarroako Foru Eraentza Berrezarri eta Hobe-tzeari buruzko Lege Organikoaren 19.1.b) artikulua aitortzen dion legegintzarako ekimena erabiliz, Socialistas del Parlamento de Navarra parlamentu-taldeak Nekazaritza Azpiegituri buruzko martxoaren 7ko 1/2002 Foru Legea aldatzeko Foru Lege proposamena aurkeztu du.

Hori horrela, Legebiltzarreko Erregelamenduko 147. artikuluan ezarritakoarekin bat, Eledunen Batzarrari entzun ondoren, hona

ERABAKIA:

1. Nekazaritza Azpiegituri buruzko martxoaren 7ko 1/2002 Foru Legea aldatzeko Foru Lege proposamena Nafarroako Parlamentuko Aldizkari Ofizialean argitara dadin agintzea.

2. Foru lege proposamen hori Nafarroako Gobernura igortzea, Erregelamenduko 147. artikuluan ezarritako ondorioetarako.

Iruñean, 2010eko irailaren 27an

Lehendakaria: Elena Torres Miranda

Foru Lege proposamena, Nekazaritza Azpiegituri buruzko martxoaren 7ko 1/2002 Foru Legea aldatzekoa.

ZIOEN AZALPENA

Nekazaritza Azpiegituri buruzko martxoaren 7ko 1/2002 Foru Legeko 68.3 artikuluan hartzaileek aurretiaz bete beharreko zenbait baldintza ezartzen dira Nafarroako Foru Komunitateko Administrazioak berak edo bere sozietate publikoen bidez obrak egin ahal izateko. Baldintza horietako bat artikuluko horretako 3. idatz-zatiko a) letran ezarritakoa da: dagokien finantzaketa zatia eta hala bide denean egiten diren likidazioak aurrez aportatzea. Finantzaketa zati hori, hasiera batean, obra horien kostuaren 100eko 50ekoa da.

Onartu beharra dago bizi dugun zailtasun ekonomikoko une honek eragin berezia izan duela toki entitateen diru-sarreretan, nabarmen jaitsi baitira likidezia, finantzatzeko ahalmena eta, azken batean, gastua; horrenbestez, bereziki zail dute baldintza hori betetzea. Beraz, entitate horien ekarpena erraztea komeni da; hartara, finantzaketari kalte egin gabe, erraztu egiten da, entitate

horien ekarpenak obrak egiteko prozesuaren erritmoari egokituta.

Artikulu bakarra.

Nekazaritza Azpiegiturei buruzko martxoaren 7ko 1/2002 Foru Legeko 68.3.a) artikulua aldatuko da, eta honelaxe idatzita geratuko da:

“a) Dagokien finantzaketa zatia eta, kasu bada, egiten diren likidazioak aldeztu aurretik egitea. Halere, foru lege honetako 71.2.2.d) artikuluko herrilurretako nahiz gisako lursailtako barne banaketako obren kasuan, onuradunek dagokien finantzaketaren 100eko 25 jarri beharko dute obrak hasi aurretik. Obrak egiteari begira kontratu-

aren baldintza-sortan aurreikusitako epearen erdia iragaten denean, berriz, beste horrenbeste. Eta obrak egiteko epe hori bukatzen den unean, gainontzekoa.

Xedapen indargabetzailea.

Foru lege honen aurka doazen lege- nahiz erregelamendu-xedapen guztiak indarrrik gabe gelditzen dira.

Azken xedapena.

Foru lege honek indarra hartuko du Nafarroako Aldizkari Ofizialean argitara ematen den unean bertan.

Foru Lege proposamena, Jagoletza Partekatuari buruzkoa.

ZUZENKETAK AURKEZTEKO EPEA

Nafarroako Parlamentuko Mahaiak, 2010eko irailaren 27an egindako bilkuran, Erabaki hau hartu zuen, besteak beste:

Legebiltzarrak, 2010eko irailaren 23an egindako Osoko Bilkuran, Jagoletza Partekatuari buruzko Foru Lege proposamena aintzat hartzea erabaki zuen. Proposamen hori Ana Figueras Castellano andreak aurkeztu eta 2010eko ekainaren 8ko 64. Nafarroako Parlamentuko Aldizkari Ofizialean argitaratu zen.

Hori horrela, Legebiltzarreko Erregelamenduko 147. artikuluan ezarritakoarekin bat, Eledunen Batzarrari entzun ondoren, hona

ERABAKIA:

1. agoletza Partekatuari buruzko Foru Lege proposamena prozedura arruntari jarraikiz izapidetzea.

2. Proposamen horri buruz irizpena emateko ahalmena Lehendakaritza, Justizia eta Barne Batzordearen esku uztea.

3. Erabaki hau Nafarroako Parlamentuko Aldizkari Ofizialean argitara dadin agintzea.

Erabaki hau argitaratzen denetik **hamabost egun balioduneko epea hasiko da eta 2010eko urriaren 26ko eguerdiko hamabietan bukatuko da.** Epe horretan, Erregelamenduko 127. eta 147. artikuluetan ezarritakoarekin bat, parlamentu-taldeek eta foru parlamentariak zuzenketak aurkeztu ahalgo dizkiote proposamenari.

Iruñean, 2010eko irailaren 27an

Lehendakaria: Elena Torres Miranda

Foru Lege proposamena, hedabide sozialetan baztertzaileak diren edo pertsonen duintasuna urratzen duten publizitate-edukiak argitaratzearen aurkako neurriak sustatzekoa.

ZUZENKETAK AURKEZTEKO EPEA

Nafarroako Parlamentuko Mahaiak, 2010eko irailaren 27an egindako bilkuran, Erabaki hau hartu zuen, besteak beste:

Legebiltzarrak, 2010eko irailaren 23an egindako Osoko Bilkuran, hedabide sozialetan baztertzaileak diren edo pertsonen duintasuna urratzen duten publizitate-edukiak argitaratzearen aurkako neurriak sustatzeko Foru Lege proposamena aintzat hartzea erabaki zuen. Proposamen hori Unión del Pueblo Navarro parlamentu-taldeak aurkeztu eta 2010eko ekainaren 18ko 69. Nafarroako Parlamentuko Aldizkari Ofizialean argitaratu zen.

Hori horrela, Legebiltzarreko Erregelamenduko 147. artikuluan ezarritakoarekin bat, Eledunen Batzarrari entzun ondoren, hona

ERABAKIA:

1. Hedabide sozialetan baztertzaileak diren edo pertsonen duintasuna urratzen duten publizitate-edukiak argitaratzearen aurkako neurriak sustatzeko Foru Lege proposamena prozedura arruntari jarraikiz izapidetzea.

2. Proposamen horri buruz irizpena emateko ahalmena Erakundeekiko Harremanetarako eta Gobernuaren Eledunaren Batzordearen esku uztea.

3. Erabaki hau Nafarroako Parlamentuko Aldizkari Ofizialean argitara dadin agintzea.

Erabaki hau argitaratzen denetik **hamabost egun balioduneko epea hasiko da eta 2010eko urriaren 26ko eguerdiko hamabietan bukatuko da.** Epe horretan, Erregelamenduko 127. eta 147. artikuluetan ezarritakoarekin bat, parlamentu-taldeek eta foru parlamentariak zuzenketak aurkeztu ahalgo dizkiote proposamenari.

Iruñean, 2010eko irailaren 27an
Lehendakaria: Elena Torres Miranda

E saila:

JABELDURAK, MOZIOAK ETA ADIERAZPEN POLITIKOAK

Mozioa. Horren bidez, Nafarroako Gobernua premiatzen da Lurralde Koordinazioko Europako Taldeak –Nafarroako, Euskal Autonomia Erkidegoko, Aragoiko eta Akitaniako udalen, taldeen, elkarteen edo zuzenbide publikoko beste edozein erakunderen artekoak– sortzea bultzatzea dezan eta horietan parte har dezan.

NAFARROA BAI PARLAMENTU-TALDEAK AURKEZTU DU

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea Nafarroa Bai parlamentu-taldeak aurkezturiko mozioa, zeinaren bidez Nafarroako Gobernua premiatzen baita Lurralde Koordinazioko Europako Taldeak –Nafarroako, Euskal Autonomia Erkidegoko, Aragoiko eta Akitaniako udalen, taldeen, elkarteen edo zuzenbide publikoko beste edozein erakunderen artekoak– sortzea bultzatzea dezan eta horietan parte har dezan.

2. Nafarroako Parlamentuko Aldizkari Ofizialean argitara dadin agintzea.

3. Mozioa Osoko Bilkuran eztabaidatzea eta zuzenketak aurkezteko epea bukatzea eztabaidari ekiteko bilkura-egunaren aurrekoaren eguerdiko hamabietan.

Iruñean, 2010eko irailaren 27an

Lehendakaria: Elena Torres Miranda

MOZIOAREN TESTUA

Patxi Zabaleta Zabaletak eta Maiorga Ramírez Errok, Nafarroa Bai parlamentu-taldeko eledunek, Legebiltzarreko Erregelamenduaren 195. artikuluen eta hurrengoaren babesean, honako mozio hau aurkeztu dute, Osoko Bilkuran eztabaidatu eta bozkatzeko:

Zioen azalpena

Europar Batasunak garapen global harmoniatua sustatu behar du eta kohesio ekonomikoa eta soziala indartu behar ditu, herrialdeen garapen

mailen arteko aldeak gutxituta. 2007tik 2013ra bitarteko epean helburu horiek erdieste aldera baliatu beharreko tresnek Europako Parlamentuak eta Kontseiluak 2006ko uztailean onetsitako bost erregelamendu dute oinarri juridiko.

Europako Erkidegoaren Itunak aukera ematen du ekintza berariazkoak abiarazteko, kohesio ekonomikoaren eta sozialaren helburua erdiesteko funtsetatik aparte. Ikusita estatu kideek eta, zehazki, eskualde eta toki agintariak zailtasun handiak dituztela lurralde-lankidetzako jarduketak tokian tokiko prozedura eta legedia nazionalen arabera egiteko eta kudeatzeko, Europar Batasunak neurriak hartu ditu zailtasun horiek arintzeko; halatan, Lurralde-lankidetzako Europako Taldea sortu du, eta nortasun juridikoa eman dio. Tresna berri hori 2007tik 2013ra bitarteko egitura-funtsei buruzko lege-multzooan sartzen da, eta mugaz gaindiko lankidetzako egungo Interreg izenekoak ordeztu ditu.

Ekimen horren bidez, Europa politikoak bat egiten du mugaz gaindiko lankidetzako mugimendurik zaharrenarekin, zeina Europako Kontseilua-ren jardunetik sortu baitzen eta ia hogeita hamar urte bete baititu. Baionako Itunaren (1995) eta Valentziako Itunaren (2002) bidez antolatu zen mugaz gaindiko lankidetzaren mota hori, eta orain Europako erkidegoetako lurralde-lankidetzaren berekia batu zaie horiei.

Lurralde-lankidetzako Europako Taldeak helburu du bere kideen artean erraztea eta sustatzea mugaz gaindiko lankidetzaren, nazioz harandikoko lankidetzaren edo/eta eskualdeen arteko lankidetzaren.

Europar lurralde-lankidetzako bederatzita talde dira abian, eta beste hogeita inguru eratze-prozesuan daude, hogeita herrialdeetako lurraldeak hartuta.

Espainiak lurralde-lankidetzako Europako hamar taldetan parte hartzen du; horietarik lau abian dira, eta gainontzekoak, berriz, izapidetzeko prozesuan. Talde horien bidez herrialdeetako eskualdeen arteko lankidetzak bilatzen da, esate baterako ondoko arloetan: osasuna, landa eta arrantza garapena, prestakuntza eta enplegua, garapen iraungarriko proiektuak taxutzea eta garraio publikoa hobetzea.

Lurralde-lankidetzako Europako taldeak bide ematen du proiektuen kudeaketa zuzena, berezia eta bateratua egiteko. Halaber, proiektuen iraupena ziurta dezake, Europar Batasunaren finantzaketa lortzeko justifikazioko eta azken likidazioko fasea gainditu ondoren.

Finan, Lurralde-lankidetzako Europako Taldea eskala murriztuko zinezko erkidego europar bat da, egokia Estatu kideetako partaideen arteko zerbitzu publikoak kudeatzeko, esate baterako mugaz gaindiko osasun-zentroak, gizarte-zerbitzuak, mugaz gaindiko babes zibileko unitateak, eta abar.

Europako proiektuarekiko fedeari eusteko, beharrezkoa da behin betikoz gainditzea estatuen

arteko mugak, bai eta, bestalde, subsidiaritatearen printzipioa eta efizientzia ekonomikoaren printzipioa gauzatzea, zerbitzu komunak optimizatuta.

Nafarroak, egun, ez du parte hartzen Lurralde-lankidetzako Europako inolako taldetan; halakoren batean parte hartzea aurrerabide handia izanen litzateke, zalantzarik gabe, Europa nafarrei hurbiltzeko, Europako hauteskondeez harantzago; pauso bat izanen litzateke "behetik hasita" eraiki beharreko Europa horretarako.

Azaldutako guztia dela-eta, parlamentu-talde honek ondoko erabaki proposamena aurkeztu du:

Nafarroako Parlamentuak Nafarroako Gobernua premiatzen du Lurralde-lankidetzako Europako Taldeak sor ditzan,–Nafarroako, Euskal Autonomia Erkidegoko, Aragoiko eta Akitaniako udalen, taldeen, elkarten edo zuzenbide publikoko beste edozein erakunderen artekoak– eta horietan parte har dezan.

Iruñean, 2010eko irailaren 20an

Foru parlamentariak: Patxi Zabaleta Zabaleta eta Maiorga Ramírez Erro

Mozioa. Horren bidez, Nafarroako Gobernua premiatzen da abenduaren 30a baino lehen aurkez dezan Nafarroako Herritarren Eskubideei eta Betebeharrei buruzko Foru Lege proiektua.

SOCIALISTAS DEL PARLAMENTO DE NAVARRA PARLAMENTU-TALDEAK AURKEZTU DU

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarri entzun ondoren, erabaki hau hartu zuen, besteak beste:

1. Izapidetzeko onartzea Socialistas del Parlamento de Navarra parlamentu-taldeak aurkezturiko mozioa, zeinaren bidez Nafarroako Gobernua premiatzen baita abenduaren 30a baino lehen aurkez dezan Nafarroako Herritarren Eskubideei eta Betebeharrei buruzko Foru Lege proiektua.

2. Nafarroako Parlamentuko Aldizkari Ofizialean argitara dadin agintzea.

3. Mozioa Osoko Bilkuran eztabaidatzea eta zuzenketak aurkezteko epea bukatzea eztabaidari ekiteko bilkura-egunaren aurrekoaren eguerdiko hamabietan.

Iruñean, 2010eko irailaren 27an

Lehendakaria: Elena Torres Miranda

MOZIOAREN TESTUA

Nafarroako Parlamentuko Socialistas del Parlamento de Navarra parlamentu-taldeak, Legebiltzarreko Erregelamenduan ezarritakoaren babesean, ondoko mozioa aurkeztu du, Osoko Bilkuran eztabaidatu eta onesteko. Honen bidez, Nafarroako Gobernua premiatzen da Nafarroako Herritarren Eskubideei eta Betebeharrei buruzko Foru Lege proiektua/k aurkez dezan/ditzan.

Nafarroako Arartekoak iradoki du, egindako txosten berezian, Nafarroako Herritarren Eskubideei eta Betebeharrei buruzko Foru Lege bat taxutu beharko litzatekeela.

Lehentasunezkoa da Nafarroako herritarrei ziurtatzea, gutxienez ere, Espainiako beste erkidego batzuetako egungo autonomia estatutueta jasotzen diren eskubide- eta betebehar-maila bera eta politika publikoak gidatzen dituzten printzipio berberak.

Orain arte onetsitako estatutueta jasotzen diren eskubideak jasotzeko eta harmonizatze

ko lana da hori, bai eta gure erkidegoaren, bereziki Nafarroako Foru Zuzenbide Zibil bereziaren eta gure araubide fiskal eta ekonomikoaren berezitasunetatik, ezaugarrietatik, inguruabarretatik eta esperientziatik eratorrita gehitu daitezkeenak ere.

Nahiz eta kalitatezko lege-testu aitzindari bat lortu nahi den, gure ustez Gobernuaren eginkizuna da behar diren foru lege proiektuak aurkeztea, Parlamentuan izapidetzen direnean horiek osatze-ko eta aberasteko. Hori guztia dela eta, ondoko mozioa aurkeztu da, Legebiltzarreko Osoko Bilkuran eztabaidatu eta bozka dadin:

Nafarroako Parlamentuak Nafarroako Gobernua premiatzen du hiru hilabeteko epean, eta bere abenduaren 30a baino lehen, Nafarroako Herritarren Eskubideei eta Betebeharrei buruzko Foru Lege proiektua/k aurkez dezan/ditzan.

Iruñean, 2010eko irailaren 20an

Foru parlamentaria: Samuel Caro Sádaba

Mozioa. Horren bidez, Nafarroako Gobernua premiatzen da zor publikoa balira bezala zenbatu ditzan itzaleko bidesariaren bidez finantzatutako azpiegituretatik heldu diren obligazioak.

NAFARROA BAI PARLAMENTU-TALDEAK AURKEZTU DU

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea Nafarroa Bai parlamentu-taldeak aurkezturiko mozioa, zeinaren bidez Nafarroako Gobernua premiatzen baita zor publikoa balira bezala zenbatu ditzan itzaleko bidesariaren bidez finantzatutako azpiegituretatik heldu diren obligazioak.

2. Nafarroako Parlamentuko Aldizkari Ofizialean argitara dadin agintzea.

3. Mozioa Osoko Bilkuran eztabaidatzea eta zuzenketak aurkezteko epea bukatzea eztabaidari ekiteko bilkura-egunaren aurrekoaren eguerdiko hamabietan.

Iruñean, 2010eko irailaren 27an

Lehendakaria: Elena Torres Miranda

MOZIOAREN TESTUA

Patxi Zabaleta Zabaletak eta Maiorga Ramírez Errok, Nafarroa Bai parlamentu-taldeko eledunek, Legebiltzarreko Erregelamenduen 195. artikulua eta hurrengoaren babesean, honako mozio hau aurkeztu dute, Osoko Bilkuran eztabaidatu eta bozkatzeko:

Azken urteotan, Nafarroako Gobernuak itzaleko bidesariaren formula baliatu izan du proiektu handiak egiteko, esate baterako Bideko Autobia, Nafarroako Ubidea eta Jakako Autobia.

Oposizioko taldeek nahiz Nafarroako organo fiskalizatzailea den Comptos Ganberak berak gogor kritikatu dute formula hori, baina Nafarroako Gobernuak tematsu aldeztu du, eta argudio txepelak darabiltza horretarako, beste batzuek ere baliatzen dutela esanez, adibidez.

Edozein modutan, azken urteotan agerian gelditu da Nafarroako Gobernuak ezin okerrago kudeatu duela formula hori, eta aurreikuspen eta

negoziazio penagarri horrek milioi askoko zama ekarri dio Nafarroako diru publikoari.

Egia da itzaleko bidesariaren formula kontuan hartzekoa dela ziklo ekonomikoetako une jakin batzuetan zenbait azpiegitura finantzatzeko, baina argi dagoena da horren kudeaketa ondo ala gaizki egin daitekeela, modu egokian ala desegokian, eta zorra balitz bezala zenbatu behar dela, Europako eta Estatuko instantziek eta Comptos Ganberak berak adierazten duten legez.

Hori dela eta, Nafarroa Baik ondoko erabaki proposamena aurkeztu du, Osoko Bilkuran eztabaidatu eta bozkatzeko:

1. Nafarroako Parlamentuak Nafarroako Gobernua premiatzen du zor publikoa balira bezala zenbatu ditzan itzaleko bidesariaren bidez finantzaturako azpiegituretatik heldu diren obligazioak.

2. Nafarroako Parlamentua ez dago ados azpiegiturak finantzaketa zuzena baino modu garestiagoen bidez eta aurrekontuetatik kanpo finantzatzearekin.

Iruñean, 2010eko irailaren 21 ean

Foru parlamentariak: Maiorga Ramírez Erro eta Patxi Zabaleta Zabaleta

F saila:
GALDERAK

Galdera, Hizkuntza Eskolan *on line* matrikulazioak eragindako arazoei eta kaosari buruzkoa.

MARÍA VICTORIA ARRAIZA ZORZANO ANDREAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea María Victoria Arraiza Zorzano andreak aurkeztutako galdera, Hizkuntza Eskolan *on line* matrikulazioak eragindako arazoei eta kaosari buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Hezkuntza Batzordean izapidetzea.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Socialistas del Parlamento de Navarra parlamentu-taldeko foru parlamentari María Victoria Arraiza Zorzanok, Legebiltzarreko Erregelamen-

duan xedatuaren babesean, *on line* matrikulazioak Hizkuntza Eskolan eragindako arazoei eta kaosari buruzko galdera hau aurkeztu du, Nafarroako Gobernuako Hezkuntza kontseilariak kasuko batzordean ahoz erantzun dezan.

Urte askoan Iruñeko Hizkuntza Eskolako atean, gauez, ilara nekagarriak egin behar izan eta gero, matrikula egitean ilarak ekidin ahal izateko modu bat asmatu da, eta, halere, kaos handia gertatu da berriro ere, sistema ez delako eskariari erantzuteko gai izan.

Kontseilariak nola esplikatu dezake Hizkuntza Eskolako matrikula Interneten bidez egin ahal izateko sistema, herritarrek hainbestetan eskatua, aldeztatik kontrastatu eta probatu ez izana? Nola esplikatu dezake behar adina baliabide jarri ez izana prozesua kaosa izan ez zedin?

Iruñean, 2010eko irailaren 21ean

Foru parlamentaria: María Victoria Arraiza Zorzano

Galdera, jakiteko ea Vianako Printzea Erakundea-Kultura eta Turismoko kontseilariak noiz inauguratuko dituen gazte sortzaileen, artisten, musikarien edo aktoreen jardunaldiak, hitzaldiak, lan bilerak eta abar.

PATXI TELLETXEA EZKURRA JAUNAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea Patxi Telletxea Ezkurra jaunak aurkeztutako galdera, jakiteko ea Vianako Printzea Erakundea-Kultura eta Turismoko kontseilariak noiz inauguratuko dituen gazte sortzaileen, artisten, musikarien edo aktoreen jardunaldiak, hitzaldiak, lan bilerak eta abar.

2. Nafarroako Parlamentuko Aldizkari Ofizialean argitara dadin agintzea.

3. Osoko Bilkuran izapidetzea.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Nafarroa Bai parlamentu-taldeko foru parlamentari Patxi Telletxea Ezkurak, Legebiltzarreko

erregelamenduaren babesean, honako galdera hau aurkeztu du, Nafarroako Gobernuak Osoko Bilkuran ahoz erantzun dezan.

Irailaren 22an ondokoa irakur zitekeen hedabideetan:

«Kultura eta Turismoko kontseilari Juan Ramón Corpasek Karlismoaren Ikerketarako IV. Jardunaldiak inauguratu ditu Lizarran. «Por Dios, por la Patria y el Rey. Las ideas del carlismo» izeneko jardunaldiak heldu den ostiralera arte egingen dira.»

Kultura eta Turismoko kontseilariak noiz inauguratuko dituzte gazte sortzaileak, artistak, musikariak edo aktoreak protagonista diren jardunaldiak, hitzaldiak, lan bilerak, eta abar?

Iruñean, 2010eko irailaren 22an.

Foru parlamentaria: Patxi Telletxea Ezkurra

Galdera, sexu-esplotaziorako gizakien salerosketako biktimak identifikatze aldera Foruzaingoari emandako jarraibideei buruzkoa.

AMANDA ACEDO SUBERBIOLA ANDREAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea Amanda Acedo Suberbiola andreak aurkeztutako galdera, sexu-esplotaziorako gizakien salerosketako biktimak identifikatze aldera Foruzaingoari emandako jarraibideei buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Osoko Bilkuran izapidetzea.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Socialistas del Parlamento de Navarra parlamentu-taldeari atxikitako foru parlamentari Amanda Acedo Suberbiolak, Legebiltzarreko Erregelamenduan xedatuaren babesean, ondoko galdera aurkeztu du, Nafarroako Gobernuak Lehendakari-tza, Justizia eta Barne kontseilariak Osoko Bilkuran ahoz erantzun dezan.

Ikusita zertan den Hedabide sozialetan baztertzailak diren edo pertsonen duintasuna urratzen duten publizitate-edukiak argitaratzearen aurkako neurriak sustatzeko Foru Lege proposamenaren eztabaida, ondokoa jakin nahi dut:

• Zer jarraibide eman zaizkio Foruzaingoari, zein egunetan, zer edukirekin eta zer emaitzare-

kin, sexu-esplotaziorako gizakien salerosketako biktimak identifikatze aldera? Zenbat polizia-operazio egin dira? Zenbat pertsona atxilotu dira?

Iruñean, 2010eko irailaren 24an

Foru parlamentaria: Amanda Acedo Suberbiola

Galdera, Nazio Batuen Erakundearen GAP (Global Action Plan) Programari buruzkoa.

AITOR ETXARRI PELLEJERO JAUNAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarri entzun ondoren, erabaki hau hartu zuen, besteak beste:

1. Izapidetzeko onartzea Aitor Etxarri Pellejero jaunak aurkeztutako galdera, Nazio Batuen Erakundearen GAP (Global Action Plan) Programari buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Nafarroako Gobernuari igortzea, Legebiltzarreko Erregelamenduko 192. artikulua agindutakoari jarraikiz, idatzizko erantzuna bidal dezan.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Nafarroa Bai parlamentu-taldeko foru parlamentari Aitor Etxarri Pellejerok, Legebiltzarreko

Erregelamenduan xedatuaren babesean, honako galdera hau egin dio Nafarroako Gobernuari, idatziz erantzun diezaion.

Legebiltzar honek, 2009ko azaroaren 26an egindako Osoko Bilkuran, ondoko erabakia onetsi zuen (2009-12-07ko NPAO):

“Nafarroako Parlamentuak Nafarroako Gobernuari premiaz du Nazio Batuen Erakundearen GAP (Global Action Plan) programa aplikatu dezan Nafarroako Foru Komunitatean”.

Hori dela-eta, ondokoak jakin nahi dut:

1.- Non eta noiz aplikatu du Nafarroako Gobernuak Nazio Batuen Erakundearen GAP (Global Action Plan) programa Nafarroako Foru Komunitatean?

2.- Zer emaitza izaten ari da?

Iruñean, 2010eko irailaren 20an

Foru parlamentaria: Aitor Etxarri Pellejero

Galdera, Bideko Autobiaren obra, itzaleko bidesariaren bidez finantzatu baita, eman ote den jakiteko.

MAIORGA RAMÍREZ ERRO JAUNAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea Maiorga Ramírez Erro jaunak aurkeztutako galdera, Bideko Autobiaren obra, itzaleko bidesariaren bidez finantzatu baita, eman ote den jakiteko.

2. Nafarroako Parlamentuko Aldizkari Ofizialean argitara dadin agintzea.

3. Nafarroako Gobernuari igortzea, Legebiltzarreko Erregelamenduko 192. artikulua agindutakoari jarraikiz, idatzizko erantzuna bidal dezan.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Nafarroa Bai parlamentu-taldeko foru parlamentari Maiorga Ramírez Errok, Legebiltzarreko Erregelamenduaren babesean, honako galdera hau egin dio Nafarroako Gobernuari, idatziz erantzun diezaion.

- Bideko Autobia izeneko obra, itzaleko bidesariaren bidez finantzatu baita, emanda al dago?

- Ba al da kontratu-klausularik zeinari esker emakida-hartzaileak emakida saltzen ahal duen? Halakorik baldin badago, zehaztu klausula horien edukia.

Iruñean, 2010eko irailaren 21ean

Foru parlamentaria: Maiorga Ramírez Erro

Galdera, CCOOri eta UGTri zuzenean nahiz “VITRA Cooperativa de Viviendas” eta “Plazaola Gestión Integral, S.L.” enpresen bidez emandako etxebizitza babestuei buruzkoa.

PATXI ZABALETA ZABALETA JAUNAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea Patxi Zabaleta Zabaleta jaunak aurkeztutako galdera, CCOOri eta UGTri zuzenean nahiz “VITRA Cooperativa de Viviendas” eta “Plazaola Gestión Integral, S.L.” enpresen bidez emandako etxebizitza babestuei buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Nafarroako Gobernuari igortzea, Legebiltzarreko Erregelamenduko 192. artikulua agindutakoari jarraikiz, idatzizko erantzuna bidal dezan.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Nafarroa Bai parlamentu-taldeko foru parlamentari Patxi Zabaleta Zabaletak, Legebiltzarreko Erregelamenduan ezarritakoaren babesean, honako galdera hauek egin dizkio Nafarroako Gobernuari, idatziz erantzun diezazkion.

1.- Zenbat etxebizitza babestu egitea esleitu zaie CCOOri eta UGTri, zuzenean nahiz “VITRA Cooperativa de Viviendas” eta “Plazaola Gestión Integral, S.L.” enpresen bidez? Zenbat etxebizitza atera dira egiaz sustapen horietatik? Eman abian diren sustapenei buruzko informazioa ere.

2.- Zenbat diru eman zaie xede horrekin CCOOri eta UGTri, zuzenean nahiz “VITRA Cooperativa de Viviendas” eta “Plazaola Gestión Integral, S.L.” enpresen bidez?

3.- Zein da etxebizitza horien batez besteko prezioa? Zer alde dago Vinsak sustatutakoekin konparatuta?

4.- CCOOri eta UGTri, zuzenean nahiz "VITRA Cooperativa de Viviendas" eta "Plazaola Gestión

Integral, S.L." enpresen bidez esleitutako etxebizitza babestuen zer ehunekori egiten zaio jarraipen eta ikuskapen publikoa?

Iruñean, 2010eko irailaren 22an

Foru parlamentaria: Patxi Zabaleta Zabaleta

Galdera, 117/2010 Foru Aginduaren bidez hezkuntza itunak aldatu eta/edo luzatzean Hezkuntzako kontseilariak Ikuskapen eta Zerbitzuen Zuzendaritza Nagusiaren eskumenak bere gain hartzeari buruzkoa.

ANA FIGUERAS CASTELLANO ANDREAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea Ana Figueras Castellano andreak aurkeztutako galdera, 117/2010 Foru Aginduaren bidez hezkuntza itunak aldatu eta/edo luzatzean Hezkuntzako kontseilariak Ikuskapen eta Zerbitzuen Zuzendaritza Nagusiaren eskumenak bere gain hartzeari buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Nafarroako Gobernuari igortzea, Legebiltzarreko Erregelamenduko 192. artikulua agindutakoari jarraikiz, idatzizko erantzuna bidal dezan.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Izquierda Unida de Navarra-Nafarroako Ezker Batua foru parlamentariaren elkarteko parlamentari Ana Figueras Castellano, Legebiltzarreko Erregelamenduan ezarritakoaren babesean, ondoko galderak aurkeztu ditu, Nafarroako Gobernuak idatziz erantzuteko.

109/2006 Ebazpenaren bidez onetsitako deialdiaren babesean sinatutako hezkuntza itunak

bukatu ondoren –lau urterako sinatu ziren–, Ikuskapenaren eta Zerbitzuen zuzendari nagusiak 44/2010 Ebazpena sinatu zuen. Horren bidez, arauak eman ziren 2010-2011 ikasturtetik aurrera Haur Hezkuntzako bigarren zikloko eta Batxilergoko mailetan hezkuntza itun berezien araubidea aplikatzeko.

Ikuskapenaren eta Zerbitzuen zuzendari nagusiaren eskumena bere gain hartuta, Hezkuntzako kontseilariak, 117/2010 Foru Aginduaren bidez, Haur eta Lehen Hezkuntzako eta Batxilergoko itunak berriro zituen, hurrengo lau urteei begira.

• Ikuskapenaren eta Zerbitzuen zuzendari nagusiaren eskumena bere gain hartuta, Hezkuntzako kontseilariak hezkuntza itunak berriro edo/eta sinatzea onetsi zuen 117/2010 Foru Aginduaren bidez. Zergatik?

• 44/2010 Ebazpeneko 11. puntuan ezartzen denez, Hezkuntzako Ikuskapen Zerbitzuak eskaria egiten duen ikastetxe bakoitzari buruzko txostena prestatuko du, eta bertan, besteak beste, itun eskabideari buruzko proposamena egiten da. Zer dio txostenak Hezkuntzako kontseilariaren 117/2010 Foru Aginduaren bidez hezkuntza ituna luzatu zaion ikastetxe bakoitzari buruz?

Iruñean, 2010eko irailaren 16an

Foru parlamentaria: Ana Figueras Castellano

Galdera, Corellan sartzeko biribilgunean paratutako eskulturen gastuari buruzkoa.

JOSÉ MARÍA VÁZQUEZ ROYO JAUNAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarri entzun ondoren, erabaki hau hartu zuen, besteak beste:

1. Izapidetzeko onartzea José María Vázquez Royo jaunak aurkeztutako galdera, Corellan sartzeko biribilgunean paratutako eskulturen gastuari buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Nafarroako Gobernuari igortzea, Legebiltzarreko Erregelamenduko 192. artikulua agindutakoari jarraikiz, idatzizko erantzuna bidal dezan.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Socialistas del Parlamento de Navarra parlamentu-taldeari atxikitako foru parlamentari José María Vázquez Royok, Legebiltzarreko Erregelamenduko 186. artikuluan eta hurrengoetan xedatu-

aren babesean, ondoko galdera aurkeztu du, Herri Lan, Garraio eta Komunikazioko kontseilariak idatziz erantzun dezan.

Orain dela gutxi inauguratu eta ireki da Corellako saihsbide berria, herriaren erditik ibilgailu astunak igarotzea ekiditeko, gehienbat.

Tutera eta Corella bitarteko errepidean, Corella baino lehenago, aldaketa handia egin da sarbidean, tamaina handiko biribilgune bat eraiki delako (mahats-bilketarekin lotutako eskulturak jarri dira bertan) trafikoa antolatze aldera, bai Corellako herrira heldu nahi dutenentzat bai saihsbidea Errioxarantz joateko erabili behar dutenentzat.

Saihsbidea eraikitzean eskulturak jarri dira Corellako herrira sartzeko biribilgunean. Zenbatekoa izan da eskultura horien kostua? Nork ordaindu du diru hori? Baldin eta Nafarroako Gobernuak ordaindu badu, zer kontusail baliatu da horretarako?

Iruñean, 2010eko irailaren 20an

Foru parlamentaria: José M.^a Vázquez Royo

Galdera, Riegos de Navarra aldi baterako enpresen batasunak NA-6120 errepideko obrak direla-eta erantzun ez izanari buruzkoa.

JOSÉ MARÍA VÁZQUEZ ROYO JAUNAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarri entzun ondoren, erabaki hau hartu zuen, besteak beste:

1. Izapidetzeko onartzea José María Vázquez Royo jaunak aurkeztutako galdera, Riegos de Navarra aldi baterako enpresen batasunak NA-6120 errepideko obrak direla-eta erantzun ez izanari buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Nafarroako Gobernuari igortzea, Legebiltzarreko Erregelamenduko 192. artikulua agindutakoari jarraikiz, idatzizko erantzuna bidal dezan.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Socialistas del Parlamento de Navarra parlamentu-taldeari atxikitako foru parlamentari José María Vázquez Royok, Legebiltzarreko Erregelamenduko 186. artikuluan eta hurrengoetan xedatuaren babesean, ondoko galdera aurkeztu du, Herri Lan, Garraio eta Komunikazioko kontseilariak idatziz erantzun dezan.

2010eko maiatzean, NA-6120 errepidetako Berbintzanako bideunearen egoerari buruzko galdera bat egin nion Nafarroako Gobernuko Herri Lan, Garraio eta Komunikazioko kontseilariari; izan ere, errepede hori tonaje handiko kamioiek erabiltzen dute, legarra ateratzeko eta Riegos del Canal de Navarra aldi baterako enpresa-elkarteak Nafarroako Ubidearen tarteune batean egiten dituen obretara eramateko.

Herri Lan, Garraio eta Komunikazioko kontseilariak parlamentari honi emandako erantzunaren arabera, Herri Lan, Garraio eta Komunikazio

Departamentuak ikuskapen-akta egin zuen Lerín eta Berbintzana bitarteko NA-6120 errepidetean izandako kalteengatik, eta kalte horien erantzule egin zuen Riegos del Canal de Navarra aldi baterako enpresa-elkartea.

Eragindako kalteak konpontzeko behar zen denbora luzaz igaro denez eta arazoa oraindik ere konpondu gabe dagoenez, eta errepede hori dagoen egoeran egonda oso arriskutsua denez zirkulazioari begira, ondokoa jakin nahi dut:

- Errepide hori oso hondatuta gelditu zen Nafarroako Ubidearen tarteune baterako legarra ateratzearen ondorioz; hartara, arriskutsua da errepede horretatik zirkulatzea. Ikusita Riegos del Canal de Navarra aldi baterako enpresa-elkarteak ez duela erantzunik eman, zer egiteko asmoa du Herri Lan, Garraio eta Komunikazio Departamentuak?

Iruñean, 2010eko irailaren 20an

Foru parlamentaria: José M.^a Vázquez Royo

Galdera, baztertzailleak diren edo pertsonen duintasuna urratzen duten publizitate-edukiak hedabide sozialetan argitaratzearen aurkako neurriak sustatzeari buruzkoa.

JOSÉ JAVIER MONZÓN ROMÉ JAUNAK EGINA

Nafarroako Parlamentuko Mahaiak, 2010eko irailaren 27an egindako bilkuran, Eledunen Batzarriari entzun ondoren, erabaki hau hartu zuen, besteak beste:

1. Izapidetzeko onartzea José Javier Monzón Romé jaunak aurkeztutako galdera, baztertzailleak diren edo pertsonen duintasuna urratzen duten publizitate-edukiak hedabide sozialetan argitaratzearen aurkako neurriak sustatzeari buruzkoa.

2. Nafarroako Parlamentuko Aldizkari Ofizialean argitara dadin agintzea.

3. Nafarroako Gobernuari igortzea, Legebiltzarreko Erregelamenduko 192. artikulua agindutakoari jarraikiz, idatzizko erantzuna bidal dezan.

Iruñean, 2010eko irailaren 27an

Lehendakaria: Elena Torres Miranda

GALDERAREN TESTUA

Socialistas del Parlamento de Navarra parlamentu-taldeko foru parlamentari José Javier Monzón Romék, Legebiltzarreko Erregelamenduan ezarritakoaren babesean, honako galdera hau egin dio Nafarroako Gobernuko Familia, Gazteria, Kirol eta Gizarte Gaietako kontseilariari, idatziz erantzun dezan.

Ikusita nolakoa izan zen Baztertzailleak diren edo pertsonen duintasuna urratzen duten publizitate-edukiak hedabideetan argitaratzearen aurkako neurriak sustatzeko Foru Lege proposameneren eztabaida –proposamena UPNk aurkeztu zuen–, ondokoa jakin nahi dut:

1.- Zure departamentuak egin al du sentsibilizazio kanpainarik, ez dadin prostituzio-jarduna normalizat onar tolerantziaren bidez edo/eta hedabideetan iragarkiak jarrita? Kanpainarik egin

baldin badu, adierazi datak, kanpainen izena, emaitza, ebaluazio-urkila eta zure departamentuak gai horretan egindakoari buruzko informazioa lortzeko balio duten datu guztiak.

2.- Zure departamentuak parte hartzen al du sexu-salerosketaren aurka Estatuko, Europako nahiz nazioarteko erakundeek egindako kanpainen? Hala baldin bada, adierazi zeinetan, noiz eta Nafarroan izandako emaitzak.

3.- Zure departamentuak jarri al du salaketaren bat, segurtasun indarren edo Foruzaingoaren

aurrean nahiz epaitegietan, pertsonen duintasunaren aurkakoa izateagatik publizitate ez-zilegia inork egin izanaren berri emateko? Zenbat? Zein egunetan? Zer emaitza lortu du horrela?

4.- Egin al du Berdintasunaren Nafarroako Institutuak nahiz zure departamentuak berak txostenik edo/eta azterlanik prostituzioaren fenomenoak Nafarroan duen hedapenari buruz?

Iruñean, 2010eko irailaren 23an

Foru parlamentaria: Javier Monzón Romé

G saila:
TXOSTENAK, DEIALDIAK ETA PARLAMENTUKO INFORMAZIOA

Deialdia, txanda irekian eta oposizio-lehiaketa bidez Nafarroako Parlamentuaren zerbitzuko legelari lanpostu bat betetzekoa.

Nafarroako Parlamentuko Mahaiak, 2010eko irailaren 27an egindako bilkuran, Erabaki hau hartu zuen, besteak beste:

1. Nafarroako Parlamentuaren zerbitzuko legelari lanpostu bat txanda irekian eta oposizio-lehiaketa bidez betetzeko deialdia onestea. Haien hautapena ondoren aipatzen diren oinarrien arabera eginen da.

2. Nafarroako Parlamentuko Aldizkari Ofizialean eta Nafarroako Aldizkari Ofizialean argitara dadin agintzea.

Iruñean, 2010eko irailaren 27an

Lehendakaria: Elena Torres Miranda

Deialdia, txanda irekian eta oposizio-lehiaketa bidez Nafarroako Parlamentuaren zerbitzuko legelari lanpostu bat betetzekoa.

OINARRIAK

1. oinarria. Arau orokorrak.

1.1. Deialdi honen xedea da Nafarroako Parlamentuaren zerbitzuko legelari lanpostu huts bat txanda irekian eta oposizio-lehiaketa bidez betetzea.

1.2. 1991ko martxoaren 21eko Nafarroako Parlamentuko Langileen Estatutuan edo, bestela, Nafarroako Administrazio Publikoen Zerbitzuko Langileriaren Estatutuaren Testu Bategina onesten duen abuztuaren 30eko 251/1993 Legegintzako Foru Dekretuan eta hori garatu eta betearazteko sarrera erregelamendua onesten duen ekainaren 5eko 113/1985 Foru Dekretuan xedaturikoarekin bat burutuko da oposizio-lehiaketa.

1.3. Deialdi honen bidez izendatutako izangaiak Nafarroako Parlamentuko funtzionarioentzat eta, bereziki, legelarien kidegoarentzat ezarritako eginkizunak bete eta horien eskubide eta betebeharrak

izanen ditu. Haren eginkizunak 1991ko martxoaren 21eko Nafarroako Parlamentuko Langileen Estatutuan ezarritakoak izanen dira; honakoak, besteak beste: Parlamentuko organoentzako aholkularitza juridiko eta teknikoa; ebazpenak, txostenak, irizpenak eta aktak idaztea; Nafarroako Parlamentua ordeztu eta defendatzea epai-organoen eta Konstituzio Auzitegiaren aurrean; eta goi mailako azterlanak eta proposamenak egiteko eginkizuna.

1.4. Izendapenak Nafarroako Parlamentuko nomina eta plantillako funtzionario bihurtuko du izendatua eta indarra duten eskubide eta eginbeharrak izanen ditu. Zerbitzuak arduraldi eskusiboko araubidean emanen ditu.

1.5. Lanpostua A mailakoa da eta horren lantsariak maila horri dagozkionak gehi Nafarroako Parlamentuko plantilla organiko indardunean zehazten diren osagarriak izanen dira.

1.6. Izendatzen den funtzionarioa Gizarte Segurantzako araubide orokorrean sartu eta afiliatuko da, araubide horren babesean, salbu eta Nafarroako Administrazio Publikoetako Langileen Estatutuan eta hori osatzen duten xedapenetan aipatzen den eskubide pasiboan eta osasun eta gizarte laguntzaren araubideko kidea bada, kasu horretan aukera izanen baitu araubide horretan segitzeko edo Gizarte Segurantzaz afiliatzeko.

1.7. Lanaldia Nafarroako Parlamentuko Mahaiak erabakiko du, eta edozein unetan aldatu ahalko da, zerbitzuaren premien arabera.

2. oinarria.- Izangaien betebeharrak.

2.1. Oposizio-lehiaketa honetan onartuak izateko, izangaiak, eskubideak aurkezteko epea amaitzen den egunean eta lanpostua betetzeko prozedurak irauten duen denbora guztian, harik eta lanpostua betetzeko unera arte, honako baldintzak bete beharko dituzte:

a) Nazionalitatez espainiarra izatea.

b) Adin nagusikoa izatea eta erretiroko adina ez izatea.

c) Zuzenbideko lizentziatuaren unibertsitate-titulua jabea izatea, edo eskaerak aurkezteko epea betetzen den egunean titulu hori eskuratzeko moduan egotea. Atzerrian lortutako tituluak badira, homologazioaren frogagiria eduki beharko da.

d) Bete behar dituen eginkizunetan aritzeko adinako gaitasun fisiko eta psikikoa izatea.

e) Eginkizun publikoak betetzeko desgaiturik edo bazterturik ez egotea eta administrazio publikoren bateko zerbitzutik berezia ez izatea.

2.2. Lanposturako izendatua izateko proposatua den izangaiak deialdi honetako 7. oinarrian ezarritako epe eta eran frogatu beharko ditu baldintza horiek.

3. oinarria.- Eskaerak.

3.1. Oposizio-lehiaketan parte hartu nahi dutenek eskaera aurkeztu beharko dute, eskabide baten bidez, deialdi honi erantsitako eredu ofizialaren arabera (1. eranskina). Eskabidean, izangaiek adierazi beharko dute ezarritako baldintza guztiak betetzen dituztela eskabideak aurkezteko epea amaitzen den egunean.

Eskabideak Nafarroako Parlamentuaren erregistro orokorrean eskuratu ahalko dituzte interesdunek, edo, bestela, Nafarroako Parlamentuko webguneko (www.parlamento-navarra.es) "lanpostuetarako deialdiak" izeneko atalean.

3.2. Eskabidearekin batera aurkeztu beharko dira, batetik, alegatutako merezimenduen zerrenda ordenatua, II. eranskinean aipatzen den baremoari jarraikiz sailkatuak, eta, bestetik, haien frogagiriak, behar bezala kautotuak.

3.3. Deialdian parte hartzeko eskabideak Nafarroako Parlamentuko lehendakariari zuzenduko zaizkio eta Nafarroako Parlamentuko erregistro orokorrean aurkeztu beharko dira (Navas de Tolosa kalea, 1 – Iruña), edo Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeko 38.4 artikuluan aurreikusitako moduetako batean, deialdi hau Nafarroako Aldizkari Ofizialean argitaratu eta biharamunetik hasita hogeita hamar egun naturaleko epean. Eskabideak aurkezteko epea luzaezina da.

3.4. Ezgaitasun aitortua duten izangaiek, ariek egin ahal izateko denbora edo baliabideetan egokitzapenik behar badute, zilegi izanen dute eskabidean haiek eskatzea, eta hartarako, aparte orri batean adierazi beharko dute nolako ezgaitasuna duten eta zer egokitzapen eskatzen duten. Horrekin batera, legeen arabera ezgaitasunen bat dutela frogatzeko legezko ezgaitasuna frogatzen

duen agiria ere aurkeztu beharko dute, organo eskudunak emana.

4. oinarria. Izangaien onarpena.

4.1. Eskabideak aurkezteko epea bukatuta, Parlamentuko lehendakariak onartuen eta baztertuen behin-behineko zerrenda onetsiko du, eta Nafarroako Parlamentuko Aldizkari Ofizialean argitara dadin aginduko du. Zerrendak onartutako izangaien izen-deiturak jasoko ditu. Izangai bazterturik ez badago, zuzenean onetsiko dira behin betiko zerrendak. Halaber, Nafarroako Parlamentuko iragarki oholean eta webgunean (www.parlamento-navarra.es) argitaratuko da.

4.2. Interesdunek egoki derizteten erreklamazioak aurkeztu ahalko dituzte behin-behineko zerrendaren aurka eta akatsik izan bada, zuzendu, zerrenda hori Parlamentuko Aldizkari Ofizialean argitaratu eta biharamunetik hasita hamar egun baliouduneko epearen barruan.

4.3. Erreklamazioak egiteko epea iraganik eta horiek ebatzita, Nafarroako Parlamentuko lehendakariak onartuen eta baztertuen behin betiko zerrenda onetsiko du, eta Parlamentuko Aldizkari Ofizialean argitaratuko da. Halaber, Nafarroako Parlamentuko iragarki oholean eta webgunean (www.parlamento-navarra.es) argitaratuko da.

5. oinarria. Epaimahai kalifikatzailearen kideak, eraketa eta jarduna.

5.1. Hauek dira lehiaketa-oposizioa epaitu behar duen epaimahaiko kideak:

Lehendakaria: Nafarroako Parlamentuko lehendakaria edo hark eskuordeturiko Legebiltzarreko mahaikide bat.

Epaimahaikidea: Jesús Corona Ferrero jauna, Kantabriako Parlamentuko legelari nagusia.

Ordezkoa: Ángel Sanz Pérez jauna, Kantabriako Parlamentuko legelaria.

Epaimahaikidea: Carmen Agüeras Angulo andrea, Aragoiko Gorteetako legelaria.

Ordezkoa: Luis Ordoki Urdazi jauna, Nafarroako Comptos Ganberako idazkari nagusia.

Epaimahaikidea: Langileen Batzordeak proposatuta izendatu beharrekoa.

Ordezkoa: Langileen Batzordeak proposatuta izendatu beharrekoa.

Epaimahaiko idazkaria: Gemma Sánchez Lerma andrea, Comptos Ganberako legelaria.

Ordezkoa: José Contreras López jauna. Nafarroako Gobernuaren aholkulari juridikoa.

5.2. Epaimahaia hautaprobak hasi aitzin eratu beharko da. Ez du eraterik izanen, ez eta aritzerik ere, bertan mahaikide gehienak ez badira.

5.3. Epaimahaiaren eraketak balio izateko, mahaiburuak eta idazkariak edo haien ordezkoeak bertan egon beharko dute.

5.4. Deialdi honen arauak ulertu edo aplikatzean sor daitezkeen zalantzak edo erreklamazioak, bai eta aurreikusita ez dauden kasuetan egin beharrekoa ere, epaimahaiak gehiengoz ebatziko ditu.

5.5. Epaimahaiko kideek ez dute parte hartuko, eta organo dei egileari horren berri emanen diote, baldin eta Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legean parte ez hartzeko aipatzen diren egoeretakoren batean badaude. Izangaiek, halaber, zilegi dute mahaikideak errefusatzea, egoera horietako bat gertatzen denean.

5.6. Epaimahaiak aholkulari adituen laguntza izan dezake, proba batzuetan nahiz guztietan laguntzeko. Aholkulari horiek dagokien espezialitate teknikoan aritzera mugatuko dira, eta epaimahaiari horietan baizik ez diote lagunduko.

6. oinarria. Oposizio-lehiaketaren nondik norakoa.

6.1. Oposizio-lehiaketak bi fase izanen ditu, lehenik lehiaketaldia izanen da eta ondoren oposizioaldia.

6.2. Lehiaketaldia.

6.2.1. Lehiaketaldian 30 puntu eskuratzen ahalko dira gehienez. Fase hori 2010eko abenduaren 31 baino lehen ebatziko da eta ez da izanen izangaiek baztertzekoa. Alegatu eta frogatutako merezimenduak deialdi honen II. eranskinean ageri den baremoari jarraikiz kalifikatu eta puntuatuko ditu epaimahaiak. Honela banatuko dira puntuak:

- a) Lanbide-esperientzia, 20 puntu arte.
- b) Merezimendu akademikoak, 5 puntu arte.
- c) Beste merezimendu batzuk, 5 puntu arte.

6.2.2. Alegatutako merezimendu guztiak agirien bidez frogatu beharko dira, izangaiek oposizio-lehiaketa honetan parte hartzeko eskabidea aurkezten duten unean. Epaimahaiak azalpenak eta datu osagarriak eskatzen ahalko ditu, lehiatzaileek alegatutako merezimenduen gainean.

6.2.3. Epaimahaiak ez du inolaz ere kontuan hartuko alegatu ez den eta agiri bidez frogatu ez den merezimendurik, eta ez du adierazitako puntuazioa baino altuagorik emanen merezimenduen atal bakoitzean.

6.2.4. Lehiaketaldiko merezimenduen kalifikazioa bukatu ondoren, epaimahaiak argitara emanen du lehiatzaile bakoitzak lortutako puntuazioa, Nafarroako Parlamentuko iragarki oholean eta webgunean, eta hamar egun naturaleko epea ezarriko du interesdunek merezimenduen balorazioaren gainean eskubidekotzat jotzen duten gutzia alega dezaten.

6.2.5. Erreklamazioak aurkezteko epea bukatu eta epaimahaiak horiek ebatzi ondoren, Nafarroako Parlamentuko iragarki oholean eta webgunean argitaratuko da izangaiek lehiaketaldian lortutako behin betiko puntuazioen zerrenda. Gero oposizioaldian lortzen direnei gehituko zaizkie, horrela oposizio-lehiaketan izandako puntuazio osoa aterako baita.

6.3. Oposizioaldia.

6.3.1. Oposizioaldia 2011ko martxoan hasiko da, Nafarroako Parlamentuko iragarki oholean eta webgunean gutxienez ere 10 egun natural lehenago iragarriko diren tokian, egunean eta orduan.

6.3.2. Oposizioaldian bi ariketa egingen dira, bata teorikoa eta bestea praktikoa, eta bakoitzaren barnean bi proba egingen dira. Guztira 70 puntu eskuratu ahalko dira. Lau probak baztergarriak izanen dira. Gainditzeko haietariko bakoitzean puntu en erdiak lortu behar dira. Halaber, bazterturik geratuko da lehen eta bigarren ariketetako edozein gai edo kasu praktikotan, hurrenez hurren, 0 puntuko kalifikazioa ematen zaion izangaia.

6.3.3. Oposizioaldiko ariketa teorikoa egingen da lehendabizi. Gehienez ere 34 puntuko balorazioa lortuko da, eta bi proba egin beharko dira:

a) Lehenbiziko proba (teorikoa): gehienez ere 4 orduan, idatziz garatu beharko dira Zuzenbide Konstituzionaleko eta Europar Batasuneko Zuzenbideko gai bat (III. eranskineko 1. multzoa) eta Hauteskunde-zuzenbideko eta Zuzenbide Parlamentarioko gai bat (III. eranskineko 2. multzoa). Gaiak zozketaz erabakiko dira. Proba hori gehienez ere 17 punturekin baloratuko da, eta gai bakoitzarengatik gehienez ere 8,5 puntu emanen dira. Proba gainditzeko, berriz, gutxienez ere 8,5 puntu lortu beharko dira.

b) Bigarren proba (teorikoa): gehienez ere 4 orduan, idatziz garatu beharko dira Zuzenbide Administratiboko, Zuzenbide Finantzarioko, Lan Zuzenbideko eta Zuzenbide Prozesaleko gai bat (III. eranskineko 3. multzoa) eta Nafarroako Zuzenbide Publikoko gai bat (III. eranskineko 4. multzoa). Gaiak zozketaz erabakiko dira. Proba hori gehienez ere 17 punturekin baloratuko da, eta gai bakoitzarengatik gehienez ere 8,5 puntu emanen dira.

Proba gainditzeko, berriz, gutxienez ere 8,5 puntu lortu beharko dira.

Bi proba teorikoak idatziz egingen dira. Proba bakoitza bukatu ondoren, idatziak dauzkaten folioak kartazal batean sartuko dituzte izangaiek. Kartazal horren hegalean interesdunak eta epaimahaiko idazkariak izenpetuko dute. Kartazala idazkariak gordeko du. Dagokionean eta hurrenkeraren alfabetikoaren arabera, lehiatzaileak berak izenpeturiko kartazalak epaimahaiaren aurrean ireki eta ariketa jendaurrean irakurriko du. Epaimahaikideek, probak irakurri ondoren, argibideak edo azalpen zabalagoak eskatzen ahalko dizkiete izangaiei beren ariketen edukiaz. Ariketak jendaurrean irakurri ondoren, Epaimahaikak, ariketak aztertu eta analizatu ondoren, kalifikatuko ditu.

6.3.4. Ariketa teorikoa amaiturik, ariketa praktikoa egingen da. Guztira 36 puntu lortzen ahalko dira eta oraingoan ere bi proba egingen dira:

a) Lehenbiziko proba: gehienez ere bost orduan irizpen edo txosten juridiko bat idatziz garatu beharko da, Nafarroako Parlamentuko legelarien eginkizunez epaimahaiak proposatutako kasu bati edo kasu batzuei buruz.

b) Bigarren proba: gehienez ere 5 orduan, azterlan, proposamen, irizpen edo iruzkin juridiko bat idatziz garatu beharko da, Nafarroako Parlamentuko legelarien eginkizunez epaimahaiak proposatutako kasu bati edo kasu batzuei buruz.

Proba praktikoa bakoitza gutxienez ere 18 punturekin baloratuko da. Proba horien edukiak lotura izanen du deialdiko III. eranskinean ageri diren gaiekin.

Ariketa hori egiteko, izangaiek lege-testuen eta jurisprudentziaren bildumak, beraiek eramandakoa, erabili ahalko dituzte.

Ariketa praktikoko probak gutun-azal itxien sistemaren bidez zuzenduko dira. Horretarako, izangaiek, proba bakoitza bukatzean, folioak gutun-azal handi batean sartuko dituzte, izenik jarri gabe. Ondoren, izen-deiturak bestearekin batera aurkeztuko den gutun-azal txikiago batean idatziko dituzte. Bi gutun-azalak itxita aurkeztu beharko dituzte. Probak bukatzean, bi gutun-azal epaimahaiak zenbaki bera jarriko du. Ariketak zuzendu ondoren eta kasuan kasuko gutun-azal zenbakiari puntuak eman ondoren, gutun-azal txikia jendaurrean irekiko da, ariketa bakoitzaren egilearen izena zehazteko.

Gutun-azalak jendaurrean irekitzeko eguna proba egiten ari diren bitartean jakinaraziko zaie izangaiei.

6.3.5. Proba bakoitzaren kalifikazioa amaitu ondoren, epaimahaiak proba hori gainditu duten izangaien zerrenda jarriko du ikusgai Nafarroako Parlamentuko iragarki oholean eta webgunean; halaber, hurrengo proba zein tokitan, egunetan eta ordutan egingen den adieraziko du, gutxienez 48 ordu lehenagotik. Kalifikazio hori batuko zaio izangaiek lehiaketaldian ateratakoari, eta horrela eman da oposizio-lehiaketako puntuazio osoa.

6.3.6. Proba bakoitzerako deialdi bakarra egingen da. Izangaiek aldean izan beharko dute nortasun agiri nazionala, pasaportea, gidabaimena edo epaimahaiaren iritziz identifikaziorako balio duen beste agiriren bat. Azterketan azaltzen ez direnak edo nortasuna frogatzen ez dutenak oposiziotik baztertuko dira.

6.3.7. Oposizioko probak egiteko orduan, hala xe eskatzen duten elbarriek denbora eta baliabide aldetik zilegi diren egokitzapenak izanen dituzte, eskabidean azaltzen dutenaren arabera.

7. oinarria. Probak gainditzen dituztenen zerrenda, izendapen proposamena eta agirien aurkezpena.

7.1. Azken ariketa bukatu ondoren, oposizio-lehiaketa gainditu duten izangaien zerrenda argitaratuko du epaimahaiak Nafarroako Parlamentuko iragarki oholean eta webgunean, lortutako puntuazioaren arabera hurrenkeran. Azken emaitzan berdinketarik izanez gero, lehiaketaldian puntu gehien lortu dituen izangaia alde ebatziko da, eta, berdinketak irauten badu, lehen proba praktikoa puntu gehien lortu dituen izangaia alde.

7.2. Epaimahaiak puntu gehien lortu dituen izangaia izendatzeko proposamena igorriko dio Nafarroako Parlamentuko Mahaiari, oposizio-lehiaketako aktarekin eta gainerako agiriekin batera. Proposamen hori Nafarroako Parlamentuko Aldizkari Ofizialean eta Nafarroako Aldizkari Ofizialean argitaratuko da.

7.3. Proposaturiko izangaiek, izendapen-proposamena Nafarroako Aldizkari Ofizialean argitaratzen denetik 30 egun natural igaro baino lehen, ondoko dokumentazioa aurkeztu beharko dio Nafarroako Parlamentuari:

a) Nortasun agiriaren fotokopia konpultsatua.

b) Deialdiaren 2. oinarrian eskatzen den titulua-ren fotokopia konpultsatua edo titulu hori lortzeko eskubideak ordaindu izanaren frogagiriarena, edo, kasua bada, eskabideak aurkezteko epearen barruan titulu hori lortzeko moduan dagoelako ziurtagiria.

c) Funtzio Publikoaren Zuzendaritza Nagusiko Laneko Arriskuei Aurrea Hartzeko Atalak emandako txostena, interesdunak karguari dagozkion eginkizunetan aritzea eragotziko liokeen eritasun edo akats fisiko edo psikikorik ez duela frogatzen duena.

Ezgaitasunen bat alegatu duten izangaiek, gainera, ezgaitasuna deialdiko lanpostuarekin bateragarria dela dioen frogagiria aurkeztu beharko dute, balorazio eta orientazio talde eskudunak luzatua.

d) Zinpeko aitorpena, edo aitorpen serioa, izangaia eginkizun publikoetan aritzeko ezgaitua edo baztertua ez dagoela, eta inongo administrazio publikoren zerbitzutik ez dela bereizia izan adierazten duena.

e) Nafarroako foru araubidea errespetatu, Konstituzioari eta legeei men egin eta karguari dagozkion eginbeharrak zintzoki beteko dituela hitz ematea edo zin egitea.

f) Parlamentuko Idazkari nagusiak langileen kudeaketarako eskatzen dion gainerako dokumentazioa.

Nafarroako Administrazio Publikoren bateko funtzionario edo langile finko diren izangaiek, gainera, izaera hori eta aurreko administrazioako espediente pertsonalean ageri diren inguruabar eta aurrekari guztiak frogatzen dituen ziurtagiria, hots, sarrerari, antzintasunari, mailari, egoera administratiboei eta abarri buruzkoa, aurkeztu beharko dute.

7.4. Aipatu epearen barrenean, eta aski justifikaturik dauden ezinbesteko kasuak salbuetsiz, arestiko agiriak aurkezten ez dituztenak ezin izanen dira izendatu, eta ordura arteko egintza guztiak baliorik gabe geldituko dira, euren eskabidearen faltsukeria dela eta, legokiekeen erantzunbeharra galarazi gabe.

7.5. Aurreko idatz-zatian aurreikusitakoa gertatuz gero, Nafarroako Parlamentuko Mahaiak hutsune hori betetzeko, probak gainditu dituztenen zerrendan –7.1 idatz-zatian aipatutakoan, hain zuzen ere– hurrengoa den izangaia hartuko du, eta azken horrekin ere aurreko idatz-zatietan adierazitako moduan jokatu du.

8. oinarria. Izendapena.

8.1. Deialdi honetako 7.3. oinarrian aipatzen diren dokumentuak aurkeztu ondoren, Nafarroako Parlamentuko Mahaiak proposatutako izangaia funtzionario izendatuko du. Izendapena Nafarroako Parlamentuko Aldizkari Ofizialean eta Nafarroako Aldizkari Ofizialean argitaratuko da.

8.2. Izendapena jakinarazi eta hilabeteko epean, izangaia karguaren behin betiko jabetza hartu beharko du Nafarroako Parlamentuko legelari nagusiaren aurrean.

8.3. Ulertuko da izangai batek, epe horretan lanpostuaz jabetzen ez bada, oposizio-lehiaketaren ondoriozko eskubideei uko egiten diela. Kasu horretan, lanpostua deialdiko 7. oinarrian aipatzen den gainditutakoen zerrendan hurrengo dagoen izangaiarekin beteko da.

9. oinarria. Aurkeztutako agiriak.

9.1. Izangaiek, baldin eta erreklamazio edo errekurtsorik jartzen ez bada, aurkeztu dituzten agiriak berreskuratzen ahalko dituzte, halaxe eskatu ondotik. Eskatera hiru hilabeteko epean aurkeztu ahalko da, beste hiru hilabete igaro direnean izendapena Nafarroako Parlamentuko Aldizkari Ofizialean argitaratzen denetik.

9.2. Aurreko atalean ezarritako epea agiriak itzultzeko eskatu gabe bukatzen bada, ulertuko da izangaia uko egin diola agiriak berreskuratzeari eta horretarako eskubidea galduko du eta agiriak suntsitu eginen dira.

9.3. Erreklamazio edo errekurtsoren bat aurkezten baldin bada, aurkeztutako agiriak gorde eginen dira, ikuskatu eta aztertzeko. Agiriak berreskuratzen ahalko dira erreklamazioaren edo errekurtsoren tramitazioak horretarako aukera ematen duenean.

10. oinarria. Errekurtsioak.

10.1. Deialdi honen, deialdi honetako oinarrien eta Nafarroako Parlamentuko Mahaiak deialdi hau dela-eta hartzen dituen gainerako erabakien aurka ondoko errekurtsioetako bat aurkez daiteke:

a) Aukerako berraztertze-errekurtsioa, Legebiltzarreko Mahaiari zuzendua, egintza edo erabakia jakinarazi edo argitara eman eta biharamunetik kontatzen hasita hilabeteko epean.

b) Administrazioarekiko auzi-errekurtsioa, Nafarroako Auzitegi Nagusiko Administrazioarekiko Auzien Salari zuzendua, erabakia argitara eman edo jakinarazi eta biharamunetik kontatzen hasita bi hilabeteko epean.

10.2. Nafarroako Parlamentuko lehendakariak edo epaimahai kalifikatzaileak deialdi hau aplikatzeko erabakitzen dituzten gainerako egintzen aurka, gora jotzeko errekurtsioa jarri ahalko da, Nafarroako Parlamentuko Mahaiari zuzendua, egintza edo erabakia argitara eman edo jakinarazi eta biharamunetik kontatzen hasita hilabeteko epean.

I. eranskina

Izen-deiturak:
 adin nagusia, nazionalitate espainiarrekoa. NAN
 zenbakia: Jaioteguna:
 Jaioterria: Helbidea:
 Posta kodea: Telefonoa:

ADIERAZTEN DUT:

Nafarroako Parlamentuaren zerbitzuko legelari lanpostu bat txanda irekian eta oposizio-lehiaketa bidez betetzeko deialdia onetsi dela, eta hartan parte hartu nahi dudala. Deialdia 2010ekoaren(e)ko Nafarroako Aldizkari Ofizialean argitaratu zen.

Deialdiaren 2. oinarrian eskatzen diren betebeharrak guztiak betetzen ditudala, eskabideak aurkezteko epea bukatzen den unean.

Deialdiaren 3.2 oinarriari jarraituz, eskabide honi erantsitako agiri batean zerrendatu ditudala, behar bezalako hurrenkeran, alegaturiko merezimenduak eta aurkezturiko frogagiri egokiak.

(3.4 oinarrian aurreikusitako kasuan, aitortutako ezgaitasuna azaldu eta oinarrian ezarritakoa bete).

ESKATZEN DUT:

Eskabide honetan aipatzen den deialdian onartua izatea.

Iruñean, 2010ekoaren ...(e)(a)n.

(sinadura)

II. eranskina**Merezimenduak baloratzeko baremoa**

1.- Lanbide-esperientzia, 20 puntu arte.

a) Parlamentuetan legelari lanpostuetan emandako zerbitzuak: puntu bat urte bakoitzeko. 12 puntu lortu ahalko dira gehienez.

b) Administrazio publikoetan A mailako edo taldeko lanpostuetan emandako zerbitzuak, lanpostu horietarako zuzenbideko lizentziatuaren titulua eskatu bada: 0,50 puntu urte bakoitzeko. 6 puntu lortu ahalko dira gehienez.

c) Sektore publikoan edo pribatuan eginiko jarduera profesionala, bete beharreko lanpostuarekin zuzeneko lotura duena: 0,25 puntu urte bakoitzeko. 2 puntu lortu ahalko dira gehienez.

2.- Merezimendu akademikoak: 5 puntu lortu ahalko dira gehienez.

Zuzenbideko Lizentziaturako ikasketetan lortutako bikain bakoitzari 0,05 puntu emanen zaizkio, eta 0,10 ohorezko matrikula bakoitzari, baldin eta

epaimahaiari lanpostuko eginkizunekin loturiko irakasgaietan lortuak direla iruditzen bazaio.

Atal honetan doktoretzako probari 0,80 puntu emanen zaizkio baldin deialdi honetan parte hartzeko ezarritako goi mailako ikasketei buruzkoa bada.

Legelari izateko lanpostuko eginkizunekin zerikusia duten beste titulazio eta unibertsitate-ikasketak batzuk ere baloratuko dira atal honetan: 0,50 puntu emanen dira erdi mailako titulazioengatik eta 0,80 puntu goi mailako titulazioengatik.

Unibertsitateko master bakoitzari 0,50 puntu emanen zaizkio, baldin eta ikasturte batek edo haren kreditu baliokideek adinako iraupena badute gutxienez, eta epaimahaiak bere esku izanen du puntuazio hori masterraren iraupenaren arabera eta lanpostuko eginkizunekin haren edukiak duen loturaren arabera egokitzea.

3.- Legelari gisa bete beharreko eginkizunekin lotura duten beste merezimendu batzuk, esate baterako, Europar Batasuneko hizkuntzak jakitea, euskaraz jakitea, prestakuntza espezializatuko ikastaroetan parte hartu izana, artikulak eta txostenak edo komunikazioak biltzar eta mintegietara bidaltzea etab., gehienez ere 5 puntu arte.

Atal honetan Europar Batasuneko hizkuntzak jakitea honela baloratuko da: oinarrizko zikloengatik 0,40 puntu eta goi mailako zikloengatik 0,80 puntu. Nafarroako Hizkuntza Eskola Ofizialak edo erakunde baliokide batek emandako ziurtagiriaren bidez frogatu behar da.

Euskara jakitea honela baloratuko da: oinarrizko zikloengatik 0,45 puntu eta goi mailako zikloengatik 0,90 puntu. EGA titulua, Nafarroako Hizkuntza Eskola Ofizialaren ziurtagiria edo agiri baliokidea aurkeztu behar da.

Atal honetan baloratuko da, aurrekoek gain, entitate bai publiko bai pribatuek antolatutako prestakuntza-ikastaroetan parte hartu izana, baldin eta gutxienez 12 orduko iraupena badute eta lotura baldin badute legelari lanpostuko eginkizunekin, eta 0,05 puntu emanen da 12 prestakuntza-ordu edo balio bereko zati bakoitzeko.

Txosten edo komunikazioak biltzar eta mintegietan aurkezteari, liburuak argitaratzeari edo artikulak aldizkari espezializatuaren argitaratzeari dagokienez, baldin eta haien edukiak lotura baldin badu legelari lanpostuko eginkizunekin, 0,50 puntu bitarte emanen zaizkio liburu, artikulak, txosten edo komunikazio bakoitzari.

A mailako lanpostuetarako administrazio publikoetako oposizioak edo oposizio-lehiaketak gaindi-

tu izana, horietarako deialdi honetan eskatzen den titulua edukiz gero: 1 puntu gaindituriko deialdi bakoitzagatik.

Baremoko puntuak aplikatzeko oharrak:

Lehena. Urteen kopurua osoa ez bada, zerbitzuan egindako aldiari proportzionalki dagokion puntuazioa emanen zaie izangaiei.

Bigarrena. Lanaldi partzalean emandako zerbitzuen kasuan, behar den zatia kenduko da.

Hirugarrena. Ez dira baloratuko aldi berean emandako zerbitzuak, lanaldi partzalean emandakoak ez badira.

Laugarrena. Ez dira aintzat hartuko deialdia Nafarroako Aldizkari Ofizialean argitaratu ondoren egindako zerbitzu edo merezimenduak.

Bosgarrena. Funtzionarioa zerbitzu berezietan edo eszedentzia berezian egon den aldietako zerbitzuak, edo unitate organiko bateko buru edo zuzendari lanetan aritu den aldietakoak, egoera horietan sartzean zuen lanpostuan eman izan balitu bezala kontatuko dira. Funtzionario behin betikoz izendatu baino lehen egindako praktika-aldiak ere osorik baloratuko dira.

III. eranskina **Gai zerrenda**

1. multzoa.

Zuzenbide Konstituzionala eta Europar Batasuneko Zuzenbidea

1. Espainiako Zuzenbide Publikoaren iturriak: aipamena, antolaketa eta printzipioak.

2. Konstituzioa arau juridiko gisa: esanahia eta eraginkortasuna. Konstituzioaren nagusitasuna: superlegezketasuna. Konstituzio-arauak interpretatzeko irizpideak. Legeak Konstituzioaren arabera interpretatzea.

3. Legea. Kontzeptua eta motak. Lege erreserba. Estatuko legeak Espainiako sisteman. Lege arruntak. Lege organikoak: izaera, edukia eta izaipidetzea.

4. Legearen indarra duten gobernuaren xedapenak: bilakaera eta arazo orokorrak. Lege dekretuak. Muga formal eta materialak. Lege dekretuen kontrol parlamentarioa.

5. Legegintzarako eskuordetzea: izaera eta modalitateak. Eskuordetzeko legeen baldintza konstituzionalak. Legegintzako dekretuen baldintzak. Legegintza eskuordetuaren kontrol jurisdikzional eta parlamentarioa.

6. Zuzenbide Publikoaren beste iturri batzuk: nazioarteko itunak. Zuzenbidearen printzipio orokorrak. Jurisprudentzia. Usadioa Zuzenbide Publikoan.

7. Espainiako 1978ko Konstituzioa. Hura taxutzeko prozesua. Ezaugarriak. Egitura. Konstituzioaren erreforma.

8. Konstituzioaren printzipioak. Zuzenbide-estatu sozial eta demokratikoa: esanahia. Espainiako Konstituzioaren balio gorenak eta 9. artikuluko printzipioak.

9. Monarkia parlamentarioa. Koroa: esanahia eta atribuzioak. Berronespena.

10. Aniztasun politikoa. Alderdi politikoak. Alderdi politikoaren estatus juridikoa demokrazia garaiki-deetan.

11. Aniztasun sindikala. Sindikatuak. Aniztasun sozial eta ekonomikoaren beste aitorten modu batzuk Espainiako Konstituzioan.

12. Gorte Nagusiak: egitura eta osaera. Biltzarren antolaketa: gobernu-organoak eta lan parlamentarioarako organoak.

13. Diputatuaren estatutua. Gorte Nagusien funtzionamendua.

14. Gorte Nagusiak: legegintzako eginkizuna. Bultzatze eta zuzendaritza politikoaren eginkizuna.

15. Gorte Nagusiak: kontrolerako berariazko prozedurak. Eginkizun ekonomikoa eta Kontuen Epaitegiarekiko harremanak.

16. Gobernua: Osaera, egitura eta eginkizunak. Gobernuko lehendakariaren figura.

17. Gobernuko lehendakariaren inbestidura-prozedura. Zentsura-mozioa eta konfiantza-arazoa. Gobernu-krisia. Biltzarra desegitea.

18. Estatuaren lurralde-antolaketa. Autonomia erkidegoak. Autonomien ekimena. Autonomia erkidegoak sortu, aldatu eta desegiteko modua.

19. Autonomia-estatutuak. Izaera. Ezaugarriak. Edukia. Egiteko eta berritzeko prozedurak.

20. Eskumenen banaketa Estatuaren eta autonomia erkidegoen artean.

21. Autonomia erkidegoen antolaketa. Estatuak autonomia erkidegoen gainean egiten duen kontrola.

22. Estatuaren eta autonomia erkidegoen legegintza ahalmena. Estatuaren antolamenduaren eta autonomia erkidegoen antolamenduaren arteko harremanetarako sistemak. Oinarritzko legeak, esparru-legeak, transferentzia- edo eskuordetze-

legeak eta harmonizazio-legeak. Autonomia erkidegoen legeak.

23. Botere Judiziala. Eginkizun judiziala 1978ko Konstituzioan. Boterea eta eginkizun judizialak antolatzeke eta funtzionatzeko printzipio konstituzionalak. Botere Judizialaren Kontseilu Nagusia. Ministerio Fiskala.

24. Kontuen Auzitegia. Zer den. Osaera eta antolamendua. Fiskalizatzeko eginkizuna. Eginkizun jurisdikzionala.

25. Jurisdikzio konstituzionala Espainian: aurrekariak eta egungo erregulazioa. Konstituzio Auzitegia. Erakunde konstituzional gisa betetzen duen tokia. Osaera, antolakuntza eta eginkizunak. Eskumenak.

26. Lege mailako arauen konstituzionaltasunaren gaineko kontrola: Konstituziokontraotasuneko errekurtsua eta konstituziokontraotasuneko arazoak. Nazioarteko itunen gaineko aurreiazko kontrola.

27. Estatuko organoen arteko konstituzio gatazkak. Estatuko organoen eta autonomia erkidegoetako organoen arteko nahiz autonomia erkidegoen arteko eskumenengatiko gatazka konstituzionalak. Autonomia erkidegoen xedapenen eta eabazpenen aurkaratzea. Tokiko autonomia aldezteko gatazkak.

28. Eskubideen babes judiziala Konstituzioan. Bide judiziala. Prozedura sumarioa eta lehentasunezkoa. Konstituzioko babes errekurtsua. Giza Eskubideen Europako Auzitegian aurkezturiko errekurtsua. "Habeas corpora".

29. Herritarren eskubideak eta betebeharrak Konstituzioan. Oinarrizko eskubideak eta askatasun publikoak Espainiako Konstituzioan. Eskubide eta betebeharrak.

30. Berdintasunerako eskubidea. Bizitzeko eskubidea eta osotasun fisiko nahiz morala izatekoa. Ohorerako, intimitaterako eta norberaren irudirako eskubidea. Bizilekuaren eta komunikazioen bortxaezintasunerako eskubidea.

31. Adierazpen-askatasuna. Erljio-askatasuna. Biltzeko eta manifestazioak egiteko eskubideak. Elkartzeko eskubidea. Askatasun sindikala.

32. Gai publikoetan parte hartzeko eskubidea eta kargu publikoak lortzeko eskubidea. Sufragio eskubidea. Eskariak egiteko eskubidea. Babes judizial eraginkorrerako eskubidea. Berme prozesalak.

33. Betebehar militarrik. Kontzientzia eragozpena. Justizia tributarioaren printzipioa. Jabetza

pribatua eta enpresa-askatasuna. Lanerako, lan-negoiazio kolektiborako eta gatazka kolektiborako eskubidea.

34. Espainian dauden atzerritarren eskubideak eta askatasunak.

35. Konstituzio ekonomikoa. Eredu ekonomikoaren printzipioak eta helburuak Konstituzioan.

36. Herriaren Defendatzailea. Eskumenak eta jarduteko moduak.

37. Europar Batasunaren prozesua. Aurrekariak, helburuak eta izaera juridikoa. Batasuneko jatorrizko Zuzenbidea: eratze itunak. Batasuneko zuzenbide eratorria: erregelamenduak, zuzentzerak eta bestelako iturriak. Subsidiaritasun printzipioa.

38. Europar Batasunaren antolamendua. Lisboako Ituna. Parlamentua. Europako Kontseilua. Europako Batzordea. Kontseilua (ministroena). Justizia Auzitegia. Beste erakunde batzuk.

39. Europar Batasuneko herritarren eskubide eta askatasunak. Europar herritartasuna.

40. Europar Batasunaren baliabide finantzarioak. Europar Batasunaren finantziarioa: Batasunaren aurrekontua. Estatu-laguntzak eta haien gainean Europar Batasunak egiten duen kontrola. Batasuneko funtsak: motak eta xedeak.

2. multzoa.

Hauteskunde-zuzenbidea. Zuzenbide Parlamentarioa.

41. Zuzeneko demokraziaren erakundeak. Sasi zuzeneko demokraziaren erakundeak. Herri-ekimena eta erreferenduma Espainiako Konstituzio Zuzenbidean. Azken bi figura horiei buruzko azterketa Nafarroako Zuzenbidean.

42. Sufragio eskubidea eta haren modalitateak. Hauteskunde-barrutia. Hauteskundeetarako formulak.

43. Espainiako -estatuko eta autonomia erkidegoetako- Hauteskunde-zuzenbidearen egungo iturriak. Diputatuen Kongresurako eta Senaturako hauteskunde-sistema.

44. Autonomia erkidegoetako biltzarretako hauteskunde-sistema. Toki entitateak eta Europako Parlamentua hautatzeko sistema.

45. Nafarroako Parlamentuko hauteskunde-sistema. Nafarroako Parlamenturako hauteskundeak arautzen dituen azaroaren 17ko 16/1986 Foru Legea.

46. Hauteskunde-ahalmen aktiboa. Hauteskunde-zentsua: izen ematea eta nola egiten den. Hauteskunde-zentsuaren Bulegoa. Nafarroako Parlamentuaren aipamenak.

47. Hauteskunde-ahalmen pasiboa: ezin hautatua izateko eta bateraezintasuneko arrazoiak. Nafarroako Parlamentuaren aipamenak.

48. Hauteskundearen antolaketa. Hauteskunde administrazioa. Hauteskunde Batzorde Zentrala: izaera, osaera eta atribuzioak. Nafarroako Hauteskunde Batzordea. Batzorde probintzialak eta eskualdeetakoak. Hauteskunde-mahaiak eta -sektzioak.

49. Hauteskundeetarako deialdia. Hautagaitzak: motak, aurkezpena eta aldarrikapena. Hauteskunde kanpaina. Propaganda: titulartasun publiko baliabideak erabiltzea. Nafarroako Parlamentuaren aipamenak.

50. Hauteskunde mahaien osaera. Ahalduak eta kontu-hartzaileak. Kartazalak eta boto-papearak. Botazioa. Boto-kontaketa: mahaietako boto-kontaketa eta boto-kontaketa orokorra. Hautetsiak aldarrikatzea.

51. Hauteskundeetako kontuak eta gastuak. Hauteskundeetarako diru-laguntzak. Intzidentzia errekurtsioak prozesuan zehar eta hauteskunderen buruzko auzia.

52. Hauteskundearen arloko delituak eta arau-hausteak. Alderdi orokorrak. Hauteskunde-delituak. Prozedura judiziala. Hauteskundearen arloko arau-hausteak.

53. Parlamentari izaera eskuratu, eten eta galtzea. Eskubideak, betebeharrak eta prerrogatibak. Parlamentariaren bortxaezintasuna eta immunitatea: kontzeptua, oinarria eta mugak. Nafarroako Parlamentuaren aipamenak.

54. Agindu parlamentarioa. Agindu parlamentarioaren iraungitzea. Parlamentuaren desagitea: moduak eta eraginak. Nafarroako Parlamentuaren dagokiona bereziki.

55. Ordezkaritza politikoa aldi baterako ordeztea. Balizko konponbideak.

56. Zuzenbide Parlamentarioaren iturriak. Nafarroako Zuzenbide Parlamentarioaren iturriak.

57. Parlamentuetako erregelamenduak. Zer den. Iturrien sistemak betetzen duten tokia. Arau parlamentarioak sortzeko prozesua. Parlamentuetako erregelamenduen gaineko kontrola.

58. Nafarroako Parlamentuko Erregelamendua. Prestaketa, erreforma, egitura eta interpretazioa. Nafarroako Parlamentuaren erregelamenduak. Nafarroako Parlamentuaren beste arau batzuk.

59. Legebiltzarren prerrogatibak. Parlamentuaren autonomia erregelamendua egiteko, barneko gobernurako, aurrekontuetarako eta administrazio gaitarako. Egintza parlamentarioen gaineko kontrola.

60. Legebiltzarretako gobernu-organok. Lehendakaria. Mahaia. Eledunen Batzarra.

61. Legebiltzarretako organo funtzionalak. Osoko Bilkura eta batzordeak. Legegintzako batzordeak: egitura, osaera eta eginkizunak. Legegintzaz besteko batzorde iraunkorrak. Batzorde ez-iraunkorrak. Lan-taldeak.

62. Parlamentu-taldeak: izaera juridikoa. Erauztea, aldatzea eta desagitea. Antolamendua. Legebiltzarren egituraren eta funtzionamenduan dauzkan eraginak.

63. Nafarroako Parlamentua: gobernu-organok eta funtzionamendu-organok. Parlamentu-taldeak eta foru parlamentarien elkarteak.

64. Askotariko taldeari eta transfugismoari buruzko arauen gaineko azterketa Espainiako legebiltzarretako erregelamenduetan. Haren ondorioak. Kideen izatea. Diputatuen eta senatariaren elkarteak. Atxiki gabeko parlamentariak.

65. Nafarroako Parlamentuaren eraketa. Legegintzaldia eta bilkura-aldiak. Batzorde Iraunkorra.

66. Bilkurak eta bilkura motak Nafarroako Parlamentuan. Egun baliadunak. Deialdia. Gai zerrenda: prestaketa eta aldaketak. Quoruma.

67. Ertabaida Nafarroako Parlamentuan. Hitza izatea. Aipamenak. Diziplina parlamentarioa: a) Zehapenak, b) Gaiari lotzeko eta ordena gordetzeko deiak, c) Ordena Parlamentuaren barruan. Parlamentuko gizalegea. Boto emateko sistemak eta hurrenkera. Gehiengoak eta berdinketak ebaztea.

68. Parlamentuaren legegintza-eginkizuna. Foru lege motak. Nafarroako Parlamentuaren legegintza-ekimena. Nafarroako Gobernuaren ekimena: foru lege proiektuek bete beharreko baldintzak. Nafarroako Parlamentuaren ekimena: foru lege proposamenen baldintzak eta mugak; aintzat hartzea. Foru lege proiektu eta proposamenak erretiratzea. Diputatuen Kongresuan lege proposamenak aurkeztea.

69. Nafarroako Parlamentuaren legegintzako prozedura arrunta. Zuzenketak. Lan-taldearen txostena. Batzordeko ertabaida. Osoko Bilkurako ertabaida. Foru legeak aldarrikatzea eta argitaratzea.

70. Nafarroako Parlamentuaren legegintzako prozedura bereziak. Nafarroako Parlamentuaren

eginkizun finantzarioa. Nafarroako Aurrekontu Orokorrei buruzko Foru Legea. Kontu Orokorrei buruzko Foru Legea. Irakurketa bakarraren bidez izapidetzea. Eskuordetutako legegintza. Legegintzako foru dekretuak. Tributu-harmonizaziorako legegintzako foru dekretuak. Foru Hobetzearen erreforma.

71. Kontrol eginkizuna. Konfiantza eskaera. Zentsura mozioa.

72. Kontrolerako berariazko tresnak Nafarroako Parlamentuan. Galderak. Jabeldurak. Ikerketa batzordeak.

73. Parlamentuetako erregelamenduetan aurreikusitako kontrol tresnak. Kontrolerako osoko bilkura bereziak. Gobernuko lehendakariari galderak egitea. Osoko bilkura arruntetan denborak erreserbatzea kontrolerako ekimenetarako eta gobernuko lehendakariaren agerraldietarako. Nafarroako Parlamentuko agerraldiak.

74. Nafarroako Parlamentuaren bultzatze eta zuzendaritza politikoko eginkizuna. Inbestidura. mozioak. Politika orokorrari buruzko eztabaidak: Foru Komunitatearen egoerari buruzko eztabaida.

75. Foru parlamentarietako informazio material dokumentatua lortzeko eskubidea eta horrekin zerikusia duten beste figura batzuk. Nafarroako Parlamentuko Erregelamenduaren 14. artikulua. Sor daitezkeen arazoak. Txosten eskariak.

76. Gobernuaren komunikazioak Nafarroako Parlamentuan izapidetzea. Programen eta planen azterketa. Beste erakunde batzuek igorritako txostenen izapidetzea.

77. Kargudunak hautatzea. Konstituziokontra-kotasuneko errekurtsioak eta eskumen-gatazketan pertsonatzea. Konstituziokontra-kotasuneko arazoak. Babes errekurtsioak.

78. Parlamentuaren eskumenak estatuarekiko eta beste autonomia erkidego batzuekiko lankidetzaren hitzarmen eta akordioetan. Beste erakundeetako harremanak. Nafarroako Parlamentua eta Europar Batasuna.

79. Parlamentuaren bilakaera: Parlamentua eta teknologia berriak.

80. Nafarroako Parlamentuaren zerbitzuko langileak: araubide juridikoa; sartzeko eta kargu-uztea; egoerak; eskubideak, betebeharrak eta bateraezintasunak; diziplina-araubidea. Nafarroako Parlamentuko zerbitzuak.

3. multzoa.

Zuzenbide Administratiboa, Lan Zuzenbidea, Zuzenbide Finantzarioa eta Zuzenbide Prozesala.

Zuzenbide administratiboa

81. Administrazio Publikoa Espainiako 1978ko Konstituzioan. Botere Exekutiboan betetzen duen tokia. Antolamenduko eta funtzionamenduko printzipio konstituzionalak.

82. Administrazio Publikoa eta Zuzenbidea. Legezketasunaren printzipioa. Araututako ahalmenak eta eskumeneko ahalmenak.

83. Administrazio Publikoa eta jurisdikzioa: Autotutoretzaren printzipioa.

84. Administrazio Publikoaren erregelamendua-ahalmena. Erregelamendua. Kontzeptua eta motak. Legearen eta erregelamenduaren arteko loturak. Erregelamendua-ahalmenaren mugak. Legez kanpoko erregelamenduen aurkako defentsa juridikoa: bide penala eta administrazioarekiko azuzien bidea eta salbuespen judiziala.

85. Pertsona juridiko publikoak. Espainiako antolamendu juridikoko ente publikoen tipologia. Ente publikoen gaitasuna.

86. Erlazio juridiko-administratiboa. Kontzeptua eta ezaugarriak. Erlazio juridiko-administratiboak sortzea, aldatzea eta azkentzea. Erlazio juridiko-administratiboaren elementuak.

87. Egoera juridiko subjektiboak Zuzenbide Administratiboan. Egoera aktiboak, ahalmena, eskubide subjektiboak eta interes legitimoak. Egoera pasiboak eta mistoak.

88. Administrazioa. Kontzeptua eta motak. Administrazioaren gaitasuna eta horren aldaketaren zioak. Herritarrek administrazio publikoetako harremanetan dituzten eskubideak. Herritarren parte-hartzea Administrazioan.

89. Administrazio-egintza. Administrazio-egintzen motak. Administrazio-egintzaren elementuak.

90. Administrazio-prozedura. Kontzeptua eta izaera. Araubide juridikoari eta administrazio prozedura erkideari buruzko Legea. Aplikazio esparrua eta printzipioak. Interesdunak. Baldintzak eta epeak.

91. Administrazio-prozedura: hasiera, antolaketak, instrukzioa eta amaiera. Administrazio prozeduren gaineko xedapen orokorrak Nafarroako Foru Komunitateko Administrazioari buruzko abenduaren 3ko 15/2004 Foru Legean.

92. Nafarroako Foru Komunitateko Administrazio-ko administrazio-prozedura bereziak: xedapen orokorrak prestatzeko prozedura. Ekintza zibilak eta lan ekintzak erabili aurreko erreklamazioak.

93. Administrazio egintzen eraginkortasuna. Baliozkotasunaren presuntzioa. Eraginkortasunerako baldintzak. Isiltasun administratiboa. Bete beharra eta etendura. Egintza administratiboak betetzea.

94. Egintza administratiboaren baliogabetasunaren teoria. Egintza deusezak eta deuseztagarriak. Egintza administratiboa baliozkotzea. Ofiziosko berrikuspina. Nafarroako Foru Komunitateko Administrazioari buruzko abenduaren 3ko 15/2004 Foru Legearen aipamen berezia.

95. Kontratu Publikoari buruzko Foru Legea I: aplikazio eremua eta arau orokorrak. Kontratistak. Administrazio publikoen kontratu guztietarako xedapenak. Esleipenaren aurreko jarduketak.

96. Kontratu Publikoari buruzko Foru Legea II: esleitzeko prozedurak eta irizpideak. Kontratazioaren kudeaketa hobetzeko sistemak. Publizitate arauak eta epeak. Esleipena, burutzea eta formalizazioa.

97. Kontratu Publikoari buruzko Foru Legea III: Kontratuak gauzatzea. Ordainketa eta prezioen berrikuspina. Kontratuen amaiera eta baliogabetasuna. Erreklamazioak eta beste kontrol-neurri batzuk.

98. Administrazio egintzaren formak. Sustapena eta bere baliabideak.

99. Mugapenaren jarduera administratiboa. Kontzeptuaren bilakaera. Haren printzipioak. Mugatzeko jardueraren adierazpideak.

100. Administrazioaren zehapen ahalmena. printzipio orokorrak. Zehapen prozedura. Nafarroako Foru Komunitateko Administrazioari buruzko abenduaren 3ko 15/2004 Foru Legearen aipamen berezia.

101. Espainiarren eskubideen gaineko administrazio baldintzak. Herritarren Segurtasunari buruzko Lege Organikoa. Eskubideen etendura eta salbuespen egoerak.

102. Datu pertsonalen babesa European eta Espainian. Izaera Pertsonaleko Datuak Babesteari buruzko Lege Organikoa.

103. Nahitaezko desjabetzea. Bilakaera historikoa. Zer den. Izaera eta justifikazioa. Elementuak: subjektuak, objektua, kausa eta edukia.

104. Desjabetzeko prozedura. Prozedura bereziei buruzko aipamena. Partikularren bermeak.

105. Zerbitzu publikoa. Kontzeptuaren bilakaera. Zerbitzu publikoa eta prestazio administratiboak. Interes orokorreko zerbitzuak.

106. Zerbitzu publikoa kudeatzeko moduak. Zuzeneko kudeaketa. Zerbitzu publikoak kudeatzeko kontratua. Enpresa publikoak eta enpresa mistoak.

107. Jabari publikoa. Kontzeptua eta izaera. Elementuak. Araubide juridikoa.

108. Administrazio Publikoaren ondare-erantzukizuna. Bilakaera eta gaur egungo araubidea. Nafarroako Foru Komunitateko Administrazioari buruzko abenduaren 3ko 15/2004 Foru Legearen aipamen berezia.

109. Errekurtso administratiboak. Gora jotzeko errekurtsoa eta berraztertze errekurtsoa. Berrikusteko aparteko errekurtsoa. Nafarroako Foru Komunitateko Administrazioari buruzko abenduaren 3ko 15/2004 Foru Legearen aipamen berezia.

Lan Zuzenbidea eta Gizarte Segurantzza.

110. Lan Zuzenbidea. Izaera eta ezaugarriak. Lan harremana arautzen duten oinarriko printzipioak.

111. Lan Zuzenbidearen iturriak. Langileen Estatutua. Lan hitzarmen kolektiboak.

112. Lan-kontrata: kontzeptua, izaera eta motak. Lan kontratazioa administrazio publikoetan.

113. Lan-kontrata etetea eta amaitzea: arrazoiak. Kaleratzea.

114. Gizarte Segurantzza. Arau orokorrak eta aplikazio esparrua. Gizarte Segurantzaren entitate kudeatzaileak, zerbitzu komunak, entitate laguntzaileak eta erakunde autonomoak.

115. Gizarte Segurantzaren araubide orokorra. Aplikazio esparrua. Afiliazioa eta kotizazioa. Babes jarduna: babesten diren egoerak eta prestazioen araubidea.

Finantza eta Tributu Zuzenbidea

116. Nafarroako Aurrekontu Orokorrak. printzipio orokorrak. Edukia, prestatzea eta onespina. Kredituak eta haien aldaketak. Aurrekontuen exekuzioa eta likidazioa. Nafarroako Parlamentuaren aurrekontu-kontrola eta kontrol finantzarioa.

117. Gastu publikoa: gaiari buruzko printzipio konstituzionalak. Diru-sarrera publikoak: sailkapena. Zor publikoa: kontzeptua, motak eta araubide juridikoa.

118. Nafarroako Foru Komunitateko tributuen antolamendua. printzipio orokorrak. Tributu arauak: printzipio orokorrak eta aplikazioa. Tributuak: motak eta osagaiak (zergapeko egitatea, tributudunak, zerga-oinarria eta tributu-zorra).

119. Tributuen kudeaketa Nafarroan: Xedapen orokorrak: Tributudunari informazioa eta laguntza ematea. Tributua kudeatzeko prozedura. Tributuen likidazioak. Diru-bilketa. Tributuen gaineko ikuskapena. Egintzen berrikuspenera bide administratiboa. Tributu arloko arau-hauste eta zehapenak. Delitu fiskala.

Zuzenbide Prozesala

120. Prozesua: Izaera eta oinarriak. Konstituzioak jasotzen dituen printzipio prozesalak. Babes judizial eraginkorrerako eskubidea: Konstituzioaren 24. artikulua eta bere garapena Konstituzio Auzitegiaren jurisprudentzian.

121. Botere Judizialaren Lege Organikoa. Jurisdikzioaren esparrua eta mugak. Banaketa eta lurralde antolamendua. Gatazkak eta eskumen arazoak. Jurisdikzio organoen osatura. Karrera judiziala. Ministerio Fiskala.

122. Prozesu zibileko eta zigor prozesuko oinarriko araubide juridikoa. Prozedura Zibilaren Legea eta Prozedura Kriminalaren Legea. Haien edukiaren azalpen laburra.

123. Administrazioarekiko auzia. Administrazioarekiko Auzien Jurisdikzioa arautzen duen Legea. Jurisdikzio horren izaera, hedadura eta mugak. Administrazio Publikoaren kontzeptua ondorio horietarako. Jurisdikzio horren ardurapeko gaiak eta arduraz kanpokoak. Administrazioarekiko auzien jurisdikzioko organoak.

124. Aldeak: ahalmena eta legitimazioa; aldean ordezkartza eta defentsa. Administrazioarekiko auzi-errekurtsoaren xedea. Aurkatzeko moduko jarduera administratiboa. Aldeen eskaerak. Pilaketa. Errekurtsoaren zenbatekoa.

125. Administrazioarekiko auzien prozedura (I). Epeak Zuhurtasunezko neurriak. Lehen auzialdiko edo auzialdi bakarreko auzia: Atariko eginbideak; kaltegarritzat deklaratzeko. Errekurtsoa aurkeztea. Errekurtsoa iragartzeko eta espedientearen errekurtsoa. Epatzea eta pertsonatzea.

126. Administrazioarekiko auzien prozedura (II). Demanda eta erantzuna. Agiriak aurkeztea. Administrazio espedientearen osatzeko izapidea. Aldez aurreko alegazioak. Froga. Bista eta ondorioak: gai berrien planteamendua. Epaia: Edukia. Prozedura amaitzeko beste modu batzuk. Auzien kostuak.

127. Probidentzien eta autoen aurkako errekurtsoak. Apelazioko errekurtsoa. Kasazioko errekurtsoa. Zein erabakiren aurka jotzen duten eta errekurtsoaren zioak. Prozedura. Epaia: edukia eta ondorioak.

128. Doktrina batzeko eta legearen intereseko kasazio errekurtsoak. Berrikusteko errekurtsoa.

Epaia: betearaztea: haien etendura eta ez bete-araztea; ondorioen hedadura. Egintza prozesaleko gorabeherak eta baliogabetasuna.

4. multzoa.

Nafarroako Zuzenbide Publikoa

129. Nafarroaren foru araubidea. Bilakaera (1512-1982): Nafarroa, erresuma izatetik foru komunitatea izatera. Foruen legeen aipamen berezia, bereziki 1841eko Lege Itundua.

130. Nafarroako Foru Eraentza Berrezarri eta Hobetzeari buruzko Lege Organikoa. Prestakuntza prozesua. Izaera eta esanahia. Atariko titulua. Erreforma.

131. Nafarroako Parlamentua edo Gortea. Aurrekari historikoak. Egungo egituratzea. Antolamendua. Eginkuzunak.

132. Nafarroako Justizia Administrazioa. Antolaketa. Nafarroako Auzitegi Nagusia. Nafarroako Foru Komunitateak Estatuarekin eta autonomia erkidegoekin dituen harremanak.

133. Nafarroako Comptos Ganbera. Antolamendua eta eskumenak. Erresumako Kontuen Auzitegiarekin dituen harremanak.

134. Foru Zuzenbide Zibilari buruzko Konpilazioa edo Nafarroako Foru Berria. Elaborazioa eta erreformatzeko prozedura. Nafarroako Zuzenbide Zibilaren iturriak. Foru izaera zibila.

135. Euskara Nafarroako Foru Komunitatean. Euskararen Foru Legea eta haren erregelamenduzko garapena. Euskararen erabilera Nafarroako administrazio publikoetan.

136. Hitzarmen ekonomikoaren araubidea. Hitzarmen ekonomikoak: Historia eta izaera juridikoa. Nafarroako zerga autonomiaren printzipioak. Egun Estatuaren eta Nafarroako Foru Komunitatearen artean dagoen hitzarmen ekonomikoa.

137. Nafarroako Foru Komunitateko Arartekoa. Sorrera eta justifikazioa. Erakundearen izaera. Hautatzea, kargu-uztea eta ordezkatzeko. Prerogatiak eta bateraezintasunak. Eskumenak. Erakundearen funtzionamendua. Parlamentuarekin eta Gorte Nagusiek izendatutako arartekoarekin dituen harremanak.

138. Nafarroako Ogasun Publikoa. Araubide juridikoa. Eskubideak eta betebeharrak. Kontrola: kontu-hartzailetza eta kontrol finantzarioa. Erantzukizunen araubidea.

139. Nafarroako ondarea. Kontzeptua eta sailkapena. Ondarea kudeatzeko printzipioak. Eskuratzeko, besterentzea eta lagatzea. Ondarea babestu

eta defendatzea. Afektazioa, aldaketa demaniala eta atxikipena. Jabari publikoa. Jabari pribatua. Enpresen ondare publikoa.

140. Nafarroako Foru Komunitateko Administrazioaren eta erakunde autonomoen diru-laguntzei buruzko araubide orokorra.

141. Nafarroaren eskumenak. Haien ordenamendua Foru Hobetzean: sailkapena eta printzipioak. Transferentzien Batzarra.

142. Lurraldearen antolamendua eta hirigintza. Nafarroako Foru Komunitatearen eskumenak. Lurraldearen eta Hirigintzaren Antolamenduari buruzko Foru Legearen aipamena bereziki.

143. Ingurumenaren babes. Nafarroako Foru Komunitatearen eskumenak. Nafarroako Foru Komunitateko lege-xedapen nagusien aipamena eta haien berritasun nagusien deskribapena.

144. Etxebizitzaren babes publikoa Nafarroan: babesaren kontzeptua, esparrua eta deskribapena, babes jardura motak. Babes ofizialeko etxebizitzaren araubide juridikoa.

145. Osasunari buruzko Foru Legea eta hura garatzen duten erregelamenduzko xedapenak.

146. Nafarroako errepideen araubide juridikoa. Nafarroako Errepideei buruzko Foru Legea: edukiaren azterketa.

147. Nafarroako eskumenak nekazaritza eta abeltzaintza arloetan. Nafarroako Nekazaritza Ustategien Erregistroa. Nekazaritzako Azpiegiturei buruzko Foru Legea: edukiaren azterketa.

148. Mendiak Nafarroan: Foru Komunitatearen eskumenak. Nafarroako Oihan Ondarea Babesteari eta Garatzeari buruzko Foru Legea: edukiaren azterketa.

149. Nafarroaren eskumenak segurtasun publikoaren arloan. Foruzaingoa: historia, araudia, eginkizunak, antolaketa eta langileak. Segurtasun Batzordea. Nafarroako udaltzaingoak: araudia, eginkizunak, antolaketa eta koordinazioa.

150. Funtzio Publikoa. Printzipio konstituzionalak. Nafarroako Foru Komunitateak arlo horretan duen eskumen historikoa. Nafarroako Administrazio Publikoen zerbitzuko Langileen Estatutua. Ezaugarriak, aplikazio esparrua eta salbuespenak. Nafarroako Foru Komunitateko hezkuntza eta osasun arloetako langileei buruzko aipamena.

151. Nafarroako Foru Komunitateko Administrazioan langileak sartzeko bidea. lanpostuak betetzea; Eskubide eta betebeharrak nagusiak: ordainsariak, bateraezintasunak eta administrazio karrera. Egoera administratiboak.

152. Nafarroako toki entitateak Nafarroako Foru Komunitatearen eskumenak toki administrazioari dagokionez. Udalak. Kontzejuak. Mankomunitateak eta beste toki entitate batzuk. Antolaketa, funtzionamendua eta haien eskumenen sailkapena.

153. Nafarroako toki entitateen ondasunak. Herri ondasunak eta ondarekoak.

154. Nafarroako toki entitateen jarduketan prozedura eta araubide juridikoa. Toki entitateen jarduketan inpugnazioa eta kontrola. Nafarroako Administrazio Auzitegia.

155. Nafarroako Toki Ogasunen baliabideak. Udal zergak. Toki entitateen parte-hartzea Nafarroako zergetan.

156. Nafarroako Kultur Ondareari buruzko Foru Legea. Turismoari buruzko foru araudi nagusia.

157. Gizarte zerbitzuei buruzko foru legeak. Haurrentzako eta nerabeentzako sustapenari, laguntzari eta babesari buruzko Foru Legea: edukiaren deskribapen orokorra.

158. Merkataritzaren arloko foru araudia. Kontsumitzaile eta erabiltzaileen babes orokorra Nafarroan.

159. 11/2007 Foru Legea, apirilaren 4koa, Foru Komunitateko Administrazioan Administrazio Elektronikoa ezartzekoa.

160. 21/2005 Foru Legea, abenduaren 29koa. Politika Publikoak eta Zerbitzu Publikoen Kalitatea Ebaluatzeari buruzkoa.

161. Nafarroako Gobernua. Osaera, izendapena, eraketa eta kargu-uztea. Atribuzioak eta eskumenak. Funtzionamendua. Laguntza organoak. Erantzukizun politikoa, Parlamentuaren kontrola eta Parlamentuaren desegitea.

162. Nafarroako Gobernuako lehendakaria Hautapena, izendapena, ordezkapena, kargu-uztea eta aldaketa. Atribuzioak.

163. Nafarroako Foru Komunitateko Administrazioa. Nafarroako Foru Komunitateko administrazioari buruzko abenduaren 3ko 15/2004 Foru Legean ezarritako printzipio orokorrak. Herritarrek Nafarroako Foru Komunitateko Administrazioarekiko harremanetan dituzten eskubideak. Foru Administrazioaren antolaketa: printzipio orokorrak eta egitura organikoa, kide anitzeko organoak eta administrazio organoen eskumenak.

164. Nafarroako Foru Komunitateko Administrazioak beste administrazio publiko batzuekin daukan harremanak. printzipio orokorrak. Administrazioen arteko elkarlana, lankidetzak eta koordinazioa. Sektorekako konferentziak eta bes-

telako lankidetzako organoak. Gobernuak Nafarroako Foru Komunitatean duen delegatua. Lankidetzako hitzarmenak eta baterako plan eta programak. Nafarroako araudiari buruzko aipamen berezia.

165. Administrazio korporatiboa Nafarroan. Lanbide elkargoak eta ganbera ofizialak: eskumenak eta araubide juridikoa.

166. Erakundeen Administrazioa. Erakunde autonomoak. Enpresa-entitate publikoak. Sozietate publikoak eta fundazio publikoak.

167. Nafarroako Foru Komunitateko organo aholku-emaileak. Izaera, motak, ezaugarriak eta eginkizunak. Nafarroako Kontseilua: osaera, antolaketa, eskumenak eta funtzionamendua. Legeen bidez sorturiko beste organo aholku-emaile batzuk.